



吉原呼我
點注標記

日本外史

織田氏
豐臣氏

十四卷

津田文庫
文庫 1
1794
7



010190614650

一江文庫

日本外史卷十四
德川氏前記

織田氏下

天正二年正月元日。近畿將士盡賀正于岐阜。信長賜之酒。酒三行。謂衆曰。我有佳肴。請侑飲焉。令左右取一函。來置之坐上。衆屬目焉。信長觴柴田勝家。而手開其蓋。則義景長政首也。塗以金粉。諸將皆笑曰。有此好下物。何辭滿酌也。信長曰。吾經略京畿。為二患所礙。數年矣。卿等為吾積勞累苦。以得致誅斃。因各賜刀劍。極驩而罷。佐佐成政留而白曰。臣無似。從諸將之後。叨被其恩。不知所報。唯願君不自足焉。遂定四方也。信長大悅。

天正二年正月元日

正親町



佳者侑飲

侑佐也。相也。

屬。注視也。

柴田權。修理亮。

朝倉左兵衛。景義。

景

淺井備前守。長政。

礙。音礙。妨也。阻也。

佐佐內藏助。後陸。

奧守。

日本外史

卷之十四

不圖成政能為此言

明地高野遠利並
在美濃

河尻肥前守

池田勝三郎後勝

入齋

通好於長尾氏

三月

多門在大和

分賜名香

四月 名香名蘭香持也

聖武大帝之時西

聖武大帝之時西

勝賴出兵

荒井在遠江

握成政手入室内與談政治侍史武井夕菴自傍贊之
曰不圖成政能為此言君莫忽焉信長厚賜二人二月
甲斐兵侵東美濃圍明地城信長與信忠出拒之城內
有叛者城陷乃修高野遠利二城令河尻鎮吉池田信
輝守之時武田信玄既死長尾謙信猶存信長與武田
氏絕通好於長尾氏厚贈之三月信長入朝寓于相國
寺詔敘從三位任參議以足利義政故事奏乞東大寺
所藏名香自至多門城遣使令截香一寸八分而三分
之自取其一分賜其二於諸將四月還京師大坂賊出
要之擊破而過五月還岐阜六月武田勝賴出兵遠江
圍高天神城德川氏使使請援信長信忠將兵至荒井

吉田在參河

使吾母東顧之患

長島之役

七月

草賊在草野為寇
賊者百姓一極
一カルクシキゾク

左近將監一益

九鬼右馬允後大

偶守

五城長島濤橋

鳥居矢島中江也

熱田

會城陷還至吉田德川公來謝曰藉公餘威得以保國
至此信長勞之曰卿為我守東面以拒武田氏使吾母
東顧之患吾得以速定京畿卿之功也乃令左右四人
擔二革囊盛以黃金以賜之曰薄以酬將士之勞乃還
七月征長島信長之滅淺井朝倉氏遂攻長島屠二城
置戍而還遇雨賊據險夾射林新三郎殿戰死之信長
怒曰以草賊故多亡吾良吾必覆其巢窟殲其醜類以
弔死者已而長島應武田氏信長覺之益怒於是與信
忠將兵數萬三道赴討信雄與龍川一益九鬼嘉隆以
舟師會之行破賊兵而進賊入保五城八月大鳥居我
賊夜乘風雨遁柴田勝家等追擊殲男女二千人截其

熱田

熱田

熱田

熱田

九月 義耳盛年

上野介信次
大隅守信廣

半左衛門尉秀成
市介信成

二年正月

三月 天正

四月

五月

長篠之役
人持杖與類

杖祭也細末也

黒澤權言

日本外史

卷之十四

耳鼻盛之一船送致長島。篠橋城降。九月。長島賊出城。乘船而去。我弓銃手。豫伏堤側。擊盡之餘衆。可八百。突入我中軍。信長叔父信次。庶兄信廣。弟秀成。從弟信成。迎戰死之。賊奔大坂。遂燔殺三城。男女二萬人。鼻聞數里。乃以長島賜瀧川一益。食北伊勢五郡。三年正月。命吏四人。巡近畿諸國。修橋道。蠲關征。三月。信長入朝。檢廷臣米田。其賣於人者。為償還之。四月。信長聞大坂納長島。遁逃。又糾合三好氏遺黨。以遙應武田氏也。乃引兵南伐。下新湫。高尾二城。而還。五月。武田勝頼大舉出參河。圍長篠城。德川氏復使使請援。信長信忠以騎卒五萬赴之。戒其軍曰。人持杖與。經乃詣熱田祠祈戰勝。

真平九八郎美作守

一將 即勝頼之叔父信實也

瀧澤川設樂鄉並
在參河
酒井左衛門尉

伴馬忠次

金森五郎八
極樂寺新御堂亦
並在參河

至岡崎。值城將真平信昌使者曰。城兵日夜望大旗來也。信長慰勞遣歸。而繼及問曰。信長方患京畿北國不能來援。勝頼大喜。分兵備城。築壘于鳶巢山。留一將守之。而自進二十餘町。濟瀧澤川。而陣。信長至。設樂鄉令將士議戰。德川氏部將酒井忠次進曰。臣請今夜間道。遠出敵背。襲為巢壘。縱火敵營。以褫其氣。而大軍乘之。莫不勝矣。信長佯罵曰。咄。田舎兒何知。諸將皆退。信長使人陰招忠次曰。汝計可用。吾恐其漏泄。故佯叱之耳。汝宜速發。顧如母。鄉導何。忠次曰。臣即為鄉導。請賜監吏。信長乃遣金森長近等四人。從之。當是時。信長陣極樂寺。信忠陣新御堂。勒兵為十五隊。德川公為右先鋒。

信長矣

日本外史

卷之十四

三

佐久間右衛門尉

植柳發銃

司銃 銃記奉行
佐々世

四將馬場信房山
縣目景内藤曾良
高坂昌宣也時生
高坂昌宣也時生

逐 ホイマハス
シタラ追
イケク額

居前佐久間信盛木下秀吉瀧川一益為左先鋒少
信長下令為柵于軍前用我與組立成乃抽諸隊銃
得三千以佐佐成政前田利家等司之曰勝賴恃勇無
謀而其兵喜騎戰吾沮之以柵而銃斃之彼即馳至勿
邊發銃及其已逼每千迭發二十一日昧爽為巢火起
敵軍顧而擾動信長自率司銃五人出柵十町發巨銃
于敵中挑戰而退敵四將更進逼我右先鋒轉犯左先
鋒銃丸亂發敵兵沮靡敵三將敢死繼進直犯左先鋒
破柵一層我銃乃齊發右先鋒以槍攢擊之成政馳白
信長曰敵中軍旗幟搖動信長令先鋒縱兵乘之敵軍
敗走乃令諸軍鼓譟齊進敵軍大潰逐走追北斬首一

コハドチラモワシ

川瀧澤川也

德川公來謝

越前之役

前波播磨守
朝倉孫三郎

萬三千級擠餘兵於川獲其宗族將領二千餘人勝賴
屢以身免參河諸城屬武田氏者皆解走信長收軍不
敢窮追德川公來謝軍門曰今日之役不知所謝信長
曰卿兵最力戰以得此捷身德川公因請乘勢遂入甲
斐前田利家木下秀吉亦以為言信長不可曰我兵疲
矣吾且養力再舉乃振旅而還賽熱田修其祠宇歸美
濃於是令信忠攻岩村城越前假守前波長俊失政朝
倉景健等與一向賊作亂據龍門虎杖木理火燧水津
河野諸城以遙應大坂八月信長信忠乃統公族諸將
兵凡八萬北伐至敦賀會大雨信長潛召木下秀吉曰
敵必不設備汝潛以舟師取河野浦擊其不意遂破龍

一門族

英主系記

日本外史

卷之十四

明智日向守

鳥羽在越前

武藤宗不衛門
不勝三
原彦次郎
加賀
捨屋大聖寺並在
北莊亦在越前
二國十餘日而定
九月
新之丞父子
源左衛門及金子
殉死三人為山内
謀景健

門則木理諸城不攻自破矣。乃以明智光秀等助之。夜發敦賀。已而河野龍門火起。木理諸城顧視之。皆棄守潰走。諸將邀擊大敗之。柴田勝家等拔鳥羽城入加賀。金森長近等自德山口入屠三城。而丹波若狹將士以兵艦數千艘來會。縱火。泚海信長乃進。踰木理嶺至龍門。景健斬賊帥下間和泉等。乞降不許。誅之。景健從士三人伏刃殉之。信長恤三人妻孥。分兵索賊黨。斬獲五萬人。進畧加賀。加賀越前十餘日而定。九月信長還至北莊。大論戰功。令梁田出羽守捨屋大聖寺二城以鎮加賀。分越前三郡賜前田利家佐佐成政。及金森原不破武藤等。以其餘八郡盡賜柴田勝家。城北莊足羽使

要振

上方ヨリ北陸へ入り北陸ヨリ上方へ出ル

經畫經營區畫也

恩威並施以服民心

居焉身自經畫之。因敕勝家曰。越前北陸之要扼而當長尾氏之衝。吾選於諸將以命汝。汝其勉之。夫守國之道不當徒恃勇武。當恩威並施以服民心。乃申條制曰。母厚賦斂。母征關市。母侮士民。母偏訟獄。母遺武備。母喜游田。皇人之邑為亂賊所掠者。當據印券還付國內。山野之塚。倉廩者。以待功勞之士。不當徒費凡我。所令有不便者。輒來爭之。我將改焉。因命不破佐佐前田等與勝家相檢察。以為國政。然後班師。岐阜十月入朝。廷臣二名來迎于澤山。詔聽昇殿。超拜右大臣。信長固辭。即任權大納言。兼右近衛大將。信長從弓部百人入拜。謝。因賜宴於御前。東西諸國。交使使賀之。大坂僧徒乞

賜宴於御前
大坂僧徒乞降

十月
超拜

日本外史

卷之十四

証據

將校 部下大将
校ハ平大将
陣屋一
ナレバ後世大
將一二月

信忠與秋田城介
奏請除任將校

城九郎左衛門

河尻與兵衛

功臣冒他姓

出羽守政綱

丹羽五郎左衛門

總

降獻珍玩許之會美濃使者至告武田勝賴來援岩村
信長馳還赴之先是岩村城將出戰信忠擊卻之城將
遂出降而信長至礫城將以狗以河尻鎮吉為岩村城
主勝賴聞之引去朝廷嘉信忠功擬以高爵信長固辭
乃除秋田城介信長因奏請曰臣將校為臣効力使臣
奏功今臣父子獨辱顯爵而不及此輩臣意竊愧之於
是以水卜秀吉除筑前守明智光秀除日向守塙直正
除備中守河尻鎮吉除肥前守先是西海豪姓多絕而
無嗣信長欲使諸功臣繼之乃命各冒其姓明智光秀
冒惟任氏塙直正冒原田氏梁田出羽冒別喜氏丹羽
長秀冒惟任氏秀吉羨丹羽柴田氏威名請稱羽柴氏

奥州南部

使汝輩實稱其名也
言實為守介不獨
名也
東西贈遺
東國者以為信長
已畧西國西國者
以為信長已畧東
國

天正四年
城于安土

永祿十二年
二條城信長義昭之為作レレカ天

皇子
可謂誠仁皇
子陽光院
近學之
大坂復叛
細川兵部大輔
荒木攝津守
筒井陽盛坊順慶

信長謂信忠及諸將曰我他日得混一海內則使汝輩
實稱其名也當是時織田氏之國橫塞天下衢路以東
國鷹馬贈遺西國以西國虎豹皮贈遺東國得贈遺者
各以為信長已畧有其地也四年正月信長欲徙治于
近江安土山以備長尾氏惟住長秀董役課畿内及尾
張美濃若狹越前十一州之卒起天主閣閣凡七層高
七丈布邸第于山下令信忠居岐阜以備武田氏是歲
信忠敘從四位下尋進上四月信長入朝詔使修二條
城趾以為館焉數年而成不敢自館請獻之皇太子居
焉時大坂復叛與武田長尾毛利氏相結信長遣細川
藤孝荒木村重惟任光秀原田直正筒井順慶將兵三

日本外史

日本外史

卷之十一

日

三好山城也

城内天王寺也

張皮代壁

乃公信長自稱也

萬赴討。令佐久間信盛等守天王寺壘。賊壘于水津。難波舟船往來。信長戒諸將曰。必取水津。直正率降將三好康長及根來寺兵攻之。難波賊以銃手要之。田中先鋒敗走。直正戰死之。五月。賊遂以萬餘人圍天王寺。信盛與光秀順慶等固守拒之。梶川彌三郎從在城内。數出力戰。時溝壁未成。乃刺殺牛馬。張其皮代壁。以扞矢石。信長聞急。方浴。浴衣上馬。與百餘騎赴援。至若江。兵聚者三千。分為三隊。命先鋒於村重。村重辭。信長曰。然則乃公為之耳。乃自雜輕卒指麾而進。敵矢丸如雨。信長傷足。怒而益進。城兵望見其旗。大喜。開門出戰。夾擊破賊兵。賊兵猶布陣不退。信長欲再戰。諸將諫曰。衆寡

中田

天主閣成

拜內大臣

天正五年

雜賀作亂

貝塚佐野並在和泉

九郎左衛門連龍

不可敵。俟我兵盡來。然後戰。信長叱曰。機可失乎。合兵為二隊。復擊大破之。追北至大坂城門。斬首二千餘級。乃整軍以備敵。返襲築壘十所。以環大坂。凱旋若江。六月。歸安土。休兵。二十日。就役。七月。天主閣成。十一月。入朝。詔進正三位。拜內大臣。固辭不許。十二月。獵尾張。參河。五年。正月。入朝。二月。紀伊賊雜賀孫一作亂應大坂。信長招降賊將雜賀三緘。根來杉房以為鄉導。率諸軍南伐。自二道入。拔貝塚及中野。三月。孫一降。請攻大坂。自效。許之。置戍于左野而還。四月。能登越中。賊起。長尾氏不能制。信長聞之。招降能登人長重連等。乘機略地。七月。長尾謙信來攻重連。重連弟連龍來告急。乃遣羽

謹秀吉

久秀叛

松永彈正忠

馭通御

示度皇之廣於天

下也

此夫為人所難能者

公方義輝也

茶鐺平蛛

舖有足曰鐺鼎也

斬者也

梅宮内法印

天下之者共
度皇ノ廣ノ
テ示ス

柴秀吉等助柴田勝家赴救。秀吉不告而還。信長譴不
 許見。八月松永久秀叛。應大坂。初久秀之降也。信長不
 許曰。彼智勇有餘。而奸佞無比。飢則伏。飽則起。彼已亂
 足利氏。亦欲亂我家乎。佐久間信盛曰。彼事暗主。乃能
 如此。爾得主公駕馭之。何能為也。宜且撫納之。以示天
 下。廣可也。從之。德川公嘗謁信長。見初老人侍側。問其
 為誰。信長笑曰。此松永彈正者也。此夫為人所難能者
 三。裁公方一也。叛三好氏二也。燔大佛殿三也。久秀俯
 伏流汗。意不自安。久秀有茶鐺名平蛛。信長欲得之。久
 秀斬不獻。於是與諸將俱戍大坂。遂叛去。據志貴城。信
 長遣侍史楠友閑往問其意。久秀弗答。九月乃令信忠

兵部大輔

明和日向日守

陽麻坊

片岡在大和

與郎越中守忠

頓五郎重蕃頭與

使者誤營

久秀抱鐺燒死

右衛門佐久雨

告受官爵

將數萬騎討之。細川藤孝惟任光秀。筒井順慶等別攻
 其屬城。片岡藤孝二子忠興與正猶幼。先登獲首級。諸
 軍從之。遂拔之。與信忠合圍志貴。久秀潛遣使與雜賀
 大坂約期夾攻。使者誤入佐久間信盛營。信盛捕獻之。
 信忠喜曰。是天授也。乃令死士二百偽雜賀。援兵夜至
 城門。門開而入。比及二城。信忠鼓衆齊登。二百人呼謀
 應之。信忠遂入。覺久秀于天主閣。久秀縱火抱所愛茶
 鐺自燒殺。其子久通以下皆被捕。誅信忠入朝廷。臣傳
 詔敘從三位。任左近衛中將。聽昇殿。信忠稽首曰。天恩
 隆渥。無物可比。雖然。臣不敢輒受。請告之。信長然後奉
 受。強之不肯。使者還報。天子動容嘉賞。聽其所言。信長

告受官爵

日本外史

卷之十一

四

下見上謂觀見父
信長也

毛利氏與我絕
鏡同歸

志松兵部少輔

別所小三郎

小寺藤兵衛

黑田美濃守

孝高稱言兵衛又
勳解由難如

今年七月秀吉敗
於北陸

命西征大將千秀吉
菅谷九右衛門尉

元
六年

答書曰久秀老猶汝一舉斃之汝功多矣宜奉詔也信
忠乃入朝拜謝觀安土而歸岐阜是役也筒井順慶最
有功信長賜之大和大和十一月信長入朝進從二位轉右
大臣信長畧定畿内獨大坂未服毛利氏前納足利義
昭終與我絕又援大坂為餽糧食備前浮田氏屬毛利
氏東窺播磨播磨人赤松義祐別所長治小寺政職黑
田宗圓皆求援於我宗圓子孝高為使者因羽柴秀吉
以通信長信長謹秀吉之敗於北陸也於是命西征大
將使畧山陽山陰以償其罪秀吉感奮戰播磨有功十
二月信長獵參河令菅谷長賴留守安土以名刀寶器
授之戒曰秀吉來則與之既還而秀吉至六年正月饗

豐信忠秀吉等

兩職右大臣右近

衛大將也

謙信口死

齊藤新十郎

神保越中守

姊小路中納言賴

綱

輝元發大兵

熊川在播磨

北畠中將信雄

神戶三七信孝

上野介信包

按計秀吉

梅撫

神吉志方並在播

摩

信忠及秀吉等十二人于茗室親餽之終率以登天主
閣曰所以就此城者卿等力也又遣秀吉西征四月辭
兩職時長尾謙信已死信長乃令北陸降將齊藤氏神
保氏與飛彈國主姊小路氏并力以定越中遣惟任光
秀略丹波細川藤孝略丹後五月毛利輝元發大兵至
熊川秀吉告急信長欲自赴援諸將止之曰臣等先往
詳其地形險易然後迎駕乃令荒木村重赴援又遣信
忠信雄信孝信包率諸將繼之六月京師大水信長入
朝秀吉來謁具白軍狀信長命之曰敵兵多食足我軍
與之曠日持久特疲力耳不若引兵按定播磨待時進
取秀吉乃去傳令於諸將信忠還兵攻下神吉志方諸

茶也 贈命世即豐信忠

日本外史 卷之十一

三木城在播磨

界浦在紀泉

嘉隆水戰

阿部野在攝津

光秀藩村重

聲績名譽功績也

伊丹城在攝津

城令秀吉守之。以攻三木城。三木與大坂海路相通。信

長乃命九鬼嘉隆以大艦數十艘自伊勢廻紀伊擊破

雜賀賊船。奪三十餘艘。以傳界浦。九月信長入朝。南巡

大坂。獵于阿部野。十月召嘉隆習水戰。觀之。自是三木

大坂援路遂絕。荒木氏士人有糶於大坂者。監吏以告

曰。村重與大坂有私信。長不信。曰。村重微者也。吾擢以

為攝津守護。何苦而反。母乃訛傳。邪。明智光秀嫉村重

以新進。聲績出己右也。力媒藥之。信長使人詰村重。村

重驚愕。欲面陳謝之。家臣皆諫。不聽。而往。光秀馳書止

之。於途曰。主公怒弗可犯。足下何自投虎口。為村重乃

還據伊丹城。叛應毛利氏。欲與三木城夾攻秀吉。十一

郡山在攝津
高槻在

高山右近

中川瀨兵衛

召伴天連諭友祥

昆陽在攝津

秀吉討村重

蒲生忠三郎飛騨

天守

箕尾亦在攝津

一益格中西
中西新八郎

月。信長自將討村重。信忠以下皆從。至郡山。高槻城主

高山友祥。茨木城主中川清秀皆屬村重。信長聞友祥

崇天主教也。召教主伴天連者。使諭友祥。友祥乃降。信

長自脫衣衣之。賜芥川郡。清秀聞之。亦降。進至昆陽。屠

兵庫。秀吉來說村重。改圖村重不聽。十二月圍伊丹。不

克。信長恐其損兵。築長圍。令池田信輝瀧川一益蒲生

氏鄉等守之。而還。七年二月入朝。三月與信忠俱如伊

丹。慰勞諸將。遊箕尾。八月大賚于三木伊丹天王寺屯

成將士。九月信長復如伊丹。村重留族人守城。而夜逃。

如華隈尼崎。求援於毛利氏。毛利氏辭以海路梗塞。十

月一益密招城兵中西某諭之曰。而主怯。惟棄若輩去。

紀伊守之助
三左衛門輝政
拔華隈

泰右衛門大夫
光秀送母為質

八年
長治自殺
其子秀政也

若為怯主致死曷若降織田公以樹功名哉中西乃與
平長五人謀啓我兵我兵乃入留守者請釋其孥則往
說村重使致尼崎華隈二城也乃質其孥而遣之二城
拒弗納乃散走信長命磔其孥于尼崎西北以示二城
兵十二月徇荒木氏族三十餘人于京師誅之以攝津
賜池田信輝令與其二子之助輝政俱攻華隈終拔之
是歲令羽柴秀吉分兵助惟任光秀攻丹波招降國主
秦秀治秀治不肯降光秀送母為質秀治乃降光秀誘
執之押送安土磔殺之丹波人聞之磔光秀母信長以
丹波賜光秀居龜山城八年正月三木城將別所長治
致城自殺信長以三木加賜於中川清秀以女妻其子

山名右衛門督祐
豐号宗仙
浮田和泉守直家
天使諭降僧徒
宮内法印友閑
本願寺頭如
有宜降者四

令秀吉攻但馬降其國主山名宗仙浮田氏既降與毛
利氏相拒兒嶋大坂連失強援勢力日衰天子遣廷臣
三輩就諭降之信長亦使捕友閑往焉於是僧光佐聚
徒屬議之其老下間刑部等皆贊其降曰我有宜降者
四我與織田氏交兵十一歲矣諸國門徒並起應我而
皆被誅殺不知其幾千萬也可不憫乎一宜降也本城
諸將久在圍中粉骨齏身籍不能賞之猶息其肩二宜
降也織田氏用武所當者破所擊者服若別所荒木秦
氏莫不絕其根殲其類我雖因地利憑人和以至於今
日而竟亦如此矣是非自絕滅我教乎三宜降也天子
之詔不可不奉四宜降矣且夫天下英雄豪傑抗衡織

光佐遜于紀伊

光壽致大坂

書數信盛
甚九郎正勝

三國攝津播磨但馬也

田氏者孰若我耐久乎。我武多矣。誰得啜我。光佐從之。請盟。信長使青山虎蒞焉。賜光佐以下金。有差。四月。光佐散遣其眾。自遜于紀伊。鷲森留于光壽。以七月致城。信長使矢部善七受之。門徒陰說光壽曰。信長為人詐而忍。我一旦失據。恐陷其計矣。光壽乃再修守備。光佐懼。使人止之。弗肯。信長聞之。怒曰。我終不得剪滅之。遣兵陷勝曼尼崎二壘。光壽惶恐謝罪。信長曰。我徐圖之耳。乃宥之。七月。光壽致大坂而去。八月。信長入朝。自宇治舟行。至大坂。巡視城郭。以書數佐久間信盛及其子正勝曰。汝父子成天王寺五年。翫寇殖利。不事進取。夫羽柴秀吉以二歲定三國。惟任光秀定丹波池田信

之助輝政

餽餉也
平手甚左衛門丸秀

輝二兒。以幼齡拔華隈。柴田勝家聞此。數人樹功。自愧不如也。力戰以定。加賀獨汝父子無尺寸功。不養士卒。而蓄金錢。不論賞罰。而品茗飲。是胡為也。前朝倉之敗也。汝懈不肯追。吾以麾下獨進。汝乃曰。雖爾懈矣。若信盛者。焉可復得審如所言。則五歲之成。何不一戰自吾。孰可箭。未嘗敗也。前使汝援家康。以拒信玄。家康有所指教。汝不肯從。乃餽平手於敵。貽吾羞辱。何顏返見吾乎。吾以四方未平。含忍至于今。汝終不悛。日累罪戾。吾不復能用汝。汝猶悔過。引咎欲立功自贖乎。不則宜削髮而去。吾不忍置汝於法也。使人齎書往視之。曰。吾所言非則直爭之。信盛正勝弗能答。削髮遁于高野。部將

點主標記

日本外史

卷之十四

十一

山口長次郎但馬

寺

水野下野守

復忠重色

藤十郎和泉守忠

重

祿正勝

九年

大正

寶勝家賜茶鐺

皆散獨山口重政從之。初水野信元為信盛所讒殺至
是得白信長乃召信元弟忠重三州津城主復其邑信長自大坂至
京師乃流林通勝伊賀範俊以通勝嘗謀逆本條範俊嘗謀
叛也後二歲信盛死于高野信長憐之召正勝祿之使
任信忠九年二月信長率諸子入朝二月柴田勝家以
謙信既死北陸稍定乃來謁獻金銀及土物信長褒其
成功親饗之初織田氏有傳家茶鐺名姥口勝家嘗請
之信長曰先君臨終授之我曰愛護勿失必得有勲
勞者予之汝勉之至是勝家請曰臣籍君威靈定越前
加賀不足稱勲勞雖然四方漸平臣等莫復可以樹功
也願以是時得前所請者信長欣然出而賜之是月信

大關馬

堀馬埒也謂于外

作短垣繞之也

長尾喜平次後上

杉中納言

佐久間玄蕃元

走景勝

一色左京大夫

大舉代毛利氏

代足利氏定近畿

點生標記

日本外史

卷之十四

長大關馬京師為埒于皇宮東請天子蒞視焉四方將
士皆會會長尾景勝窺虛侵越中至于小出而加賀賊
起應之是時越中守將佐佐成政與降將神保某來在
安土信長得警報令成政等馳還拒之柴田勝家義兒
佐久間盛政在加賀尾山擊賊殲之走景勝成政至則
事已平乃進悉定越中信長以越中賜成政先是前田
利家定能登以能登加賀增賜之於是細川藤孝定丹
後誘殺其國主一色義定以丹後賜之八月使信雄與
筒井順慶定伊賀分賜伊賀于信雄信包乃令秀吉大
舉以伐毛利氏十月拔鳥取城定因藩織田氏既代足
利氏定近畿二十餘國法令嚴峻雖竊一錢者處斬釘

門庭宗信

行旅委索
索囊索也

北條氏內屬
勝賴還質

源三郎勝長
木曾左馬頭
苗木久兵衛

今得此報我事成矣

吉良在參阿

盜屏息。路不拾遺。行旅委索而睡。當是時。大坂以下。強賊已屬攘除。而西有毛利氏。東有長尾武田二氏。與我接境。未服從也。德川氏數攻武田氏。克之。北條氏以關東八州。求內屬。東北豪傑。皆使使獻方物。武田勝賴大懼。是歲十一月。勝賴送致勝長。勝長信長季子。質於甲斐者也。信濃人木曾義昌。因美濃人苗木某。言於信忠。曰。臣不勝。勝賴誅求願為前導。以伐甲斐。信忠告之。信長。信長曰。吾欲伐甲斐。未有釁。可乘。今得此報。我事成矣。雖然。吾聞木曾地險隘。人心不可測。宜徵其質子。然後踐其地。信忠乃徵義昌任子。十二月。輸粟二萬石于吉良。誠德川氏曰。明春將有事於甲斐。十年二月。信忠

十年

既收義昌任子。將五萬騎。入木曾。信長自將步騎七萬。繼之。德川氏以三萬餘騎。自駿河北條氏。以三萬騎。自相摸。金森長近以三千騎。自飛彈。並進。應之。信忠以瀧川一益川尻鎮吉為先鋒。入伊奈。伊奈人降。導鎮吉兵。納之。我兵進。陷松尾。飯田小山三城。木曾義昌擊破甲斐前軍于鳥居嶺。獻捷於信忠。信忠遣兵五千助之。自進陣。桔梗原。復進陣。飯田陷。大島城。甲斐信濃士民。素苦勝賴弊政。爭先來降。信忠留兵守大島。而進陣。飯田。勝賴在。諏訪。走歸。甲斐。信忠乃圍高遠城。城當衝要。守將仁科信盛。小山田昌辰等力戰。不可下。三月。信忠使諸將攻其前。而自攻其後。凌城而登。獲信盛昌辰以下。

仁科五郎又薩摩
守
小山田滿守

德川家康

日本外史

卷之十四

十四

勝賴可成

武藏守長可

天目山

大郎信勝

波合在信濃

四國甲斐信濃上

野駿河也

此兒真大奇也

信忠幼守奇妙故

曰大奇

身首繼志

乃父并信玄暨子

并勝賴

將領十七人斬首二千餘級。齋信盛首獻信長于呂久
 川。梟之路左。信忠進陷高島深志二城。遂入甲斐。勝賴
 以下已逃匿山谷。信忠陣古府。誅其留者。遣弟勝長及
 森可成子長可。徇上野。下之。聞勝賴在天目山。遣瀧川
 一益圍之。獲勝賴及其子信勝。齋首獻信長于波合。信
 長大喜。日出師三十日。乃定四國。獲其巨魁。此兒真大
 奇也。以信秀所傳佩刀賜之。使人梟勝賴首于京師。曰
 乃父一生以入京為志。吾使暨子繼其志也。於是信長
 進陣。諏訪兵聚。諏訪者凡十餘萬。下令於甲斐。信濃。駿
 河。上野。撫納降附。收武田氏奸臣數十人。數其罪。誅之。
 北條氏獻黃金。梁米以賀戰捷。德川公既定。駿河來謁。

論功行賞

穴山伊豆守

真田安房守

二府新舊二有也

觀富土岳

去年十二月輸粟

于吉良誠德川氏

今事已成無所用

也

遺命一益為關東管

領

封上野也

命信孝等南征

七兵衛尉信澄

點注標記

于諏訪信忠亦來會焉。信長與之謀。大論功行賞。賜駿
 河。丁德川公甲斐于川尻。鎮吉上野。于瀧川一益。信濃
 四郡。于森長可。岩村地五萬石。于長可弟蘭丸。諸降將
 穴山信良。真田昌幸等。因舊邑而增損之。四月。信長巡
 視二府。革武田氏弊政。使諸將罷歸。而自入駿河。觀富
 士岳。德川氏除道供帳。信長賜之吉良粟二萬石。曰。今
 無用矣。以賞乃將士。乃由歸。遺命瀧川一益。曰。吾以汝
 為關東管領。凡關八州。以至陸奥。出羽。皆汝處分之所
 不能獨決者。謀之家。康賜之名馬。曰。宜騎焉。以入封也。
 因今柴田勝家等與一益相為應接。以圖長尾氏。遂經
 尾張。歸安土。以南海未定。命信孝與織田信澄。丹羽長

居勝長時越後居上野
 居一益上野
 居信孝上野
 居信澄上野

蜂屋伯耆守

武藏守信行

命光秀饗德川公

秀吉請接

吉川駿河守

小早川左衛門佐

毛利右馬頭

振久太郎後左衛門督

朝護朝弄諸語也
嬖罵嬖罵罵也

秀蜂屋賴隆等南征

曰事平分賜四國

五月

信孝等軍于大坂信澄信行子也十五日德川公與穴山信良入謝信長待之甚渥訓厚也令惟任光秀饗之旦日得羽柴秀吉書曰秀吉圍高松城吉川元春小早川隆景擁毛利輝元將數萬騎來救請得援軍信長曰彼舉其巢穴而來是自速覆滅也吾自往掃殄之梟元春隆景首乘勢遂定九州耳乃遣堀秀政馳誠秀吉曰汝與之相持勿使歸入於是大徵兵命池田信輝細川忠興高山友祥中川清秀為先鋒先發光秀亦與焉初光秀以土岐氏疏屬流寓諸國無所遇終于信長信長擢為坂下城主終賜丹波信長待將士不設禮節嘲謔嬖罵以為常而光

文深文法深刺也

稻葉伊豫守

齊藤內藏助

那須和泉守

嗜飲酒相強之辭

光秀曰誰也

航音之大者或用

為詞也

秀顯八鼓

音蘭丸

秀為人文深喜自修飾以材藝自高先是稻葉通朝家臣齊藤那須有罪去仕光秀通朝誅之信長信長令光秀還致那須賜齊藤死光秀不奉命信長怒召光秀罵詈之當飲將士酒光秀逃酒信長親追捉而伏之騎其項拔刀擬曰不飲酒則飲此光秀素不勝飲強嚼一航信長乃拔光秀手擊其頭曰好秀顯可以代鼓光秀慚憤自揣信長欲殺己故形於言動信長寵森蘭丸嘗陳珍翫謂之曰汝所欲得吾輒予之蘭丸曰臣所欲得不在於此近江志賀郡先臣可成舊領也願得還賜幸甚非所敢望也信長曰暫俟之三歲後當充汝願光秀在屏後聞之自疑曰志賀今屬我我之被誅其在三歲後

日本外紀

卷之十四

十五

投養具於湖
津田源十郎
蒲生右兵衛大夫

寢臥也寐目閉神
藏也

本能寺湮滅幾尺

乎既而信長命光秀以蘭丸為女婿欲令予之志賀也
光秀復不奉命至是受命饗德川氏盛治帳具周旋甚
勤俄而有出征之命他人來代之光秀大恚曰使我徒
勞悉投其具於湖中而去於是遂有反心而信長不之
覺也乃令津田益信及蒲生賢秀等守安土而自以近
臣百餘人入京師館于本能寺信忠與弟勝長等館于
妙覺寺光秀之發安土也治行于坂下遂入丹波詣愛
宕山祠拈闌再三夜宿祠下寢而不寐數有嘆聲從者
問何故嘆光秀叱曰非汝輩所知也其明會于西坊為
連歌或供粽焉食之毛食之氣力也光秀不脫苞而食卒然問傍人曰本能
寺湮深幾尺眾異之既罷歸龜山六月朔光秀召從于

左馬助光春
齋藤內藏助

質體也委往其體
以事君也

大江山老坂並在
丹波

吾敵在本能寺

蘭丸視旗

光春及其將齋藤利三等五人謂之曰汝等能為我死
乎則有一事可與議議苟不合則速斫吾頭五人相目
不能答光春曰臣等業已委質矣詎必問也抑所議者
何事光秀曰吾殆為右府所殺者數矣因具語以故曰
今事已迫矣吾將先發之五人欲諫止之視光秀意色
既決不可諫乃贊成其謀光秀使五人納誓效質於是
悉丹波兵即發宣言奉命毛利征代奉行并下居西援秀吉夜度大江山至老
坂右折則走備中道也光秀乃左馬首而馳士卒驚異
既涉桂川光秀乃舉鞭東指颺言曰吾敵在本能寺矣
眾始知其反也昧爽圍本能寺呼譟而入弓銃交發信
長在卧內驚起曰反者誰令蘭丸出視其旗幟反報曰

點注標記

白

卷之十一

十一

信長自殺

信長自殺

金森義八

村井長門守

信忠保二條

皇太子時在二條

惟任光秀也。信長曰：豎子敢爾！乃手弓而出。蘭丸以下宿直者皆肉搏拒戰。信長親射斃數人，弦絕執槍而闖。傷右肱，乃走入。揮姬妾使逃去，縱火自殺。年四十九。蘭丸及二弟坊丸、力丸及金森長則、高橋寅松、矢代勝介、伴正林等百餘人皆力戰死之。光秀索信長首不得，意甚懼。齋藤利三得其衣，焦爛者示之。光秀猶不安。大索之。信忠聞變，大愕，馳赴之。途望見本能寺烟起，村井貞勝來跪路左，報曰：右府已遇弒矣。君宜急保。二條第信忠從之，使貞勝往。皇太子于禁內而入，保之。衆或議曰：及賊未來，馳歸安上，建我旗鼓，則數萬騎立至矣。討賊復仇，一舉可辦。信忠曰：彼既謀此大事，豈有不置兵塞

天正四年信長被刺
皇太子

猪子等赴難

信忠自殺

毛利新左衛門
福富平左衛門
菅谷五右衛門
安藤伊賀守

平助欲刺光秀

點注標記

路者乎。與其暴尸於路，寧自裁于此。衆以為然。日中賊合二萬餘騎來圍，吾兵僅二三百人，連鋒奮擊，相逐于庭。猪子兵介、小澤六郎在于逆旅，聞警赴之，主人止之，弗聽而入。梶原松千代亦欲入援，其家僕又右衛門止之，而代入。信忠褒之，賜長刀，斃數十人而死。賊患我兵力戰，乃遣弓銃手登近衛第屋上，瞰而亂發。我兵死傷略盡。信忠乃割腹而死。毛利秀高、福富貞次、菅谷正賴、齋藤新五皆死之。其餘從兵無一人逃者。初，安藤範俊家臣松野平助有材名，範俊敗，信長祿之。於是宿于八幡祠，不及於難。齋藤利三素與之善，以書招之。平助伴，應欲窺隙刺光秀。光秀覺其意，不敢親近。平助乃自殺。

日本外史

卷之十一

四十八

前田德善院

三法師

信長不喜虛美

信長不喜虛美

信長不喜虛美

誰非天下之民乎

重刑猜忌

光秀大索織田氏臣僚在京師者殺之獨前田玄以帶
信忠遺命逃至岐阜抱信忠子三法師走入清洲信長
起尾張常以平定四方為志不喜虛美廷臣或勸為征
夷大將軍信長曰吾何遽襲室町故號為然將士有功
輒急賞之獎用公廉政無偏私獄內贖金悉以為修橋
道之資尤憎浮屠氏嘗有一僧自稱得神通愚民景附
信長召見詰問使人捉其兩手而親舉刃斫其頭曰猶
得神通乎柴田勝家獻一向賊首級信長有喜色捕友
閑在側諫曰誰非天下之民乎因極論仁暴是非信長
嘉納之然時承室町氏媿情之後以刑殺立威所得之
地必誅其主以予家臣性亦猜忌追咎諸將舊惡若光

景隆斬使

山岡美濃守

安土物情恟然

夫人
信長信忠之
夫人也

賢秀不忍燒貨寶

木村二郎左衛門

秀者皆不自安所以不終其志也光秀既定京師欲取
安土即日馳至瀨田遺書於城主山岡景隆景隆斬使
者燒橋而逃光秀發卒修橋初安土城中聞變未得確
報物情恟然日暮有數騎馳歸自京師士民要路問之
騎曰兩公薨矣城中大擾蒲生賢秀欲鎮眾拒守眾一
夜四五驚諸將士多逃亡者賢秀乃令其子氏鄉具輿
馬數百迎夫人以下逃於其邑日野姬人或勸賢秀取
天主貨寶而火之毋以予賊也賢秀曰先君所盡心經
營不忍燒也光秀其或燒之即取焉以自殖豈能久乎
今吾取其貨人謂之何使木村某守之而去保守日野
光秀至與其將士分取貨寶會天使來勞之光秀意益

熱注標記

日本外史

卷之四

九

忠興遣使

忠興謂獨軍下戶稅之類也

推山在遠江

曾島森在紀伊

丁城內小城也

信孝會議秀吉

城邑近敵者為先遠敵者為後

驕遣使招其女婿細川忠興忠興遂其使者招其友人筒井順慶順慶不至光秀乃懼入京師務行惠政以收人心復適安土欲攻賢秀賢秀遣使伊賀求援於信雄信雄危疑不發賢秀乃送質為信信雄乃出次推山光秀不敢動會伊賀盜起信雄以故不能進信孝初在大坂奉信長密旨宣言脩艦於紀伊因急襲鷺森幾殺光佐而變報至信孝與信澄長秀議解圍而退至大坂信澄亦光秀婿也叛應光秀據其子城信孝長秀迫之使自殺欲遂誅光秀而兵潰不可收會羽柴秀吉以數萬騎至自備中信孝大喜乃會議于尾崎諸將爭先不決乃因信長在時之法次以城邑前後高山友祥為先鋒

光秀伏誅

筑前守氣貌已吞天下矣

三法師

魚津在越中柳瀬在遠江

中川清秀次之池田信輝丹羽長秀又次之信孝自將四千人在其後秀吉為後拒討光秀于山崎大破之光秀伏誅明智光春守安土聞敗燒城走坂下殺其妻子自殺齋藤利三等皆被捕誅清秀俗字瀨兵衛山崎之役戰最力信孝下馬握其手曰吾子力戰吾不忘德秀吉自輿中呼曰瀨兵衛矣清秀曰筑前守氣貌已吞天下矣信輝秀吉等收信長尸于本能寺葬之遂之清洲謁三法師柴田勝家佐佐成政與長尾景勝相持越中拔魚津聞變收兵入討光秀平柳瀨得捷聞直之清洲瀧川一益在厩橋城是月七日得變聞部下將士說曰變故之際人心不測且秘之更取諸客將質然後託事

一益不秘變

西上。一益曰是豈可終秘乎。不若自我發之。乃急傳令。召諸客將。告變事。曰事已至此。吾在此地。與否在諸君所計。吾且還。諸君質。客將皆相謂曰。管領推誠。遇我輩。我輩誓不相負。乃請重納質。一益謝而遣歸之。明日變報四至。北條氏直欲乘變擊一益。一益乃率部下八千人。軍于鉤川。諸客將以萬騎來援擊。走敵一將。氏直以全軍繼至。一益使言於客將曰。諸君惠然一戰。可以休矣。一益請代進。乃進戰不利。其將篠岡某等二百人止死。一益歸。厩橋盡返質子。徑信濃。而西遣使告治道城主。真田昌幸。木曾義昌。皆送質。出兵護送。達於尾張。河尻鎮吉在甲斐。甲斐亂。會德川氏使者至。鎮吉疑其有

北條相模守左京大夫

鉤川在上野

惠然時有順心也

篠岡平右衛門

真田昌房守

諸將會議之秀信

岐阜中納言秀信

割地分領

高島郡名在道江

史所司代也

京師事專決於秀吉

信孝謀討秀吉

異殺之。鎮吉亦為國人所殺。森長可在信濃。挾諸質子。馳入美濃。盡斬之前田利家。定能登丹羽長秀。定若狹。皆收兵。與秀吉會議于清洲。以三法師為信長嫡長孫。立為嗣。更名秀信。居安土。奉以道江三十萬石。其餘分領之。以俟秀信長。信雄領尾張。信孝領美濃。勝家領長濱。長秀素有若狹。并領志賀。高島。信輝并領兵庫。尾崎。而秀吉領播磨。丹波。但馬。因幡。秀吉與勝家長秀。信輝更置吏於京師。已而專決於秀吉。秀吉國最富。兵最強。矜貴自持。而秀信幼孩。信雄暗弱。皆不能制馭之。信孝有英氣。曰我家遭遇變故。而我家奴輩舍長立幼。以爭攫遺地。且吾與信雄同年生。特以月日少。後故有兄弟

魚注標記

日本外史

卷之十四

廿一

秀吉結信雄攻信孝

十五年

篠山在伊勢

秀吉殺信孝母
烈女幸田之母
幸田彦右衛門

之名耳。吾有復讐之功。秀吉乃攘而沒之。其篡竊之勢已成矣。不速誅之。後不復可制。乃密與勝家一益謀討秀吉。又使人說長秀。長秀不肯。秀吉聞之。乃結信雄急發兵。攻信孝于岐阜。岐阜兵寡。長秀勸信孝出其母及乳母為質。和之。十一年正月。信雄攻信孝。黨北畠具親于篠山陷之。遂與秀吉俱攻一益于長島。二月。勝家出軍于柳瀨。秀吉自赴當之。四月。信孝復起兵。應於勝家。一益。秀吉殺信孝母于安土城下。乳母有子幸田某。在岐阜。母遺之書曰。臣致身於君。大義也。親先子而死。常道也。汝事三七君。行其大義。以常道自釋。勿以我故懷貳心也。秀吉招幸田不至。乃磔殺乳母。秀吉遂圍岐阜。

信孝戰敗

盛政狃勝
堀尾茂助後帶刃
氏家內膳正

勝介代勝家戰死

信孝戰敗。幸田兄弟力戰死之。當是時。長秀以下諸將皆屬秀吉。為之拒勝家。勝家令佐久間盛政襲殺中川清秀。收兵速歸。盛政狃勝不歸。秀吉令堀尾吉晴及降將稻葉通朝。氏家行廣等備信孝。而馳擊盛政。擒之。勝家曰。盛政不用我言。果取此敗。吾自往決戰。乃檢其兵。兵已逃亡。在者僅三千。諸將皆勸退。勝家曰。吾嘗以少擊衆。獲勝者數。諸君何拒我也。家臣毛受勝介曰。往時君所將皆濃尾驍卒。今領北兵。非素拊循。所以逃亡。推敗之餘。何堪折衝。臣請假君背幟。偽稱君死。君逃入北莊。徐自為計。勝家從之。秀吉縱兵追擊。遇其背幟。大驚。急整隊圍之。勝介大呼曰。柴田勝家死于此。與其兄皆

縣注標記

日本外史

卷之十四

廿二

府中在越前

勝家揮利家

勝家夫妻駢死

信雄使迫信孝自殺

力戰死。勝家得間走過府中。入見前田利家。曰。子爲我出力。不知所。謝吾命窮至此。復何言也。吾飢矣。請供飯。利家供之。勝家食畢。借善馬而出。利家欲從之。勝家揮之。曰。子與秀吉善。毋以我爲也。終歸北莊。論其將領與敵有姻者。皆遣之。願留者九人。秀吉至。圍城數重。勝家夜寢。將士于天主閣。慷慨曰。吾欲報先君之恩。終爲猴面。勝家所困。豈非天哉。其妻信長之妹也。勝家使之逃去。妻泣曰。妾自去秋出岐。阜業已委身於良人矣。今日之事。固期於心。何必逃也。於是夫妻訣飲。徹曉。終伏及駢死。侍臣文荷者。縱火于閣。殉之。當是時。信雄圍岐阜城。兵潰。信孝出奔內海。信雄使人迫之自殺。五月秀

夜之玄香盛政

此田輝政
森本秀政
長可

勝政二字誤。當作

權六。見于後卷。勝

政稱三左衛門。威

政兼。冒丹姓。戰死

賊也。

施暴也。猛也。

鬼威政。

一益降秀吉。

其地伊勢長島也。

秀吉激信雄

十二年

岡田長門守

津川玄香元

淺井多官丸

瀧川三郎兵衛後

下總守

信雄議討秀吉

吉斬佐久間盛政。柴田勝政于京師。盛政素虓武。每戰用鐵拵。躬自陷陣。人呼曰鬼威政。臨刑言曰。我悔不聽修理言。苟聽修理言。則使秀吉如我也。修理。勝家也。六月。一益降秀吉。秀吉放之。近江使信雄取其地。以長秀助己。使之取柴田氏地。池田堀森氏皆有分地。既而秀吉欲激信雄。除之。設飛語曰。羽柴將不利北畠氏。十二年正月。諸將賀正於安土。皆過見信雄。獨秀吉至。大津而不入。信雄怒。諸將和解之。盟于三井寺。信雄將岡田重善。津川義冬。淺井多官。瀧川雄利皆驍勇。秀吉先盟。招四人。誘以厚利。三人聽之。獨雄利佯聽。臨盟告信雄。信雄驚馳歸長島。遂議討秀吉。三人以爲不可。信雄曰。

照注標記

日本外史

卷之十四

十三

亡人曰考
亡母曰妣

永援於德川公

信輝收質應秀吉訛
一益

關安藝守盛信入
道萬徹
佐久間甚九郎後
駿河守
山口但馬守初長
次郎

吾誅猴奴易易耳。汝輩何得沮我。三人稱疾不出。三月。信雄伏甲召三人誅之。分攻其邑。拔松島。予之。雄利求援於德川公。德川公之來安土也。信長令之游畷府。聞信長遭害。走歸其國。於是發兵助信雄。信雄又招池田信輝及其二婿森長可堀秀政。秀吉亦誘信輝。信輝于輝政質于長島。信雄還之曰。先考待卿最厚。卿必不負我。我持其質是疑卿也。信輝已收其質。乃應秀吉訛。龍川一益亦應秀吉。聚兵據木造。以復舊封。織田信包蒲生氏鄉。關萬徹皆應。一益攻嶺城。城將佐久間正勝與部將山口重政等固守拒之。敵聞援兵至。解圍去。正勝乃還長島。又守蟹江。信雄在清洲。與德川公合兵二萬。

二將
信輝長可

小牧之役

獲三將

筒井伊賀守

服部半藏

與十郎種利
甚七郎長種
與平次定利

重政守城

軍于小牧。秀吉以十二萬人軍犬山。四月。秀吉令信輝長可襲參河。信雄與德川公邀擊。獲二將。秀吉亦令筒井定次九鬼嘉隆攻松島。月餘。雄利與德川氏將服部正成固守拒之。以定次講和致城。而卻。秀吉拔嶺神戶。利井竹鼻數城。退軍于大垣。六月。信雄使正勝城。萱生一益乃誘降蟹江。留守前田種利。種利二子。長種。定利。守前田。下市。二壘。山口重政守大野壘。二子皆降。遂招重政曰。汝母在蟹江。不聽則殺之。重政答曰。我知受命守城。不知其他。豈做公等人面獸行乎。一益與嘉隆。迫以兵艦。重政投炬燒而走之。敵轉赴下市。又擊走之。信雄與德川公來援。拔前田。下市。走長種。斬定利。大賞重

一益降

富田左近將監

外山在越中今之
成政應信雄 富山

秀吉請和

成政就說德川公

捷以板為之其貌
如箕行泥上

日本外史

卷之十四

十四

政遂圍蟹江。七月。一益斬種利以降。信雄宥其死。乃走歸木造。城將富田知信疑而弗納。一益乃走京師。後死於北陸。八月。秀吉又入尾張。令萬徹氏鄉攻伊勢諸城。佐佐成政起兵于外山。以遙應信雄。攻前田利家不克。十一月。秀吉以八萬人入伊勢。信雄出而對陣。秀吉使人請和。信雄許之。盟于桑名城下。秀吉陽尊信雄。執臣禮如故。信雄大喜。成政未之知也。欲就德川公。協謀以圖秀吉。乃稱疾屏居。潛與壯士百餘人。冒雪入信濃。留侍臣於外山。餽食稟啓如常。誠之曰。度我往還。不過二十日。利家必不能覺。即覺。治兵。則我已歸至矣。於是乘橈兼行。所經皆山谷絕無人烟。得一樵家。入之。樵父大

深志信濃

健步善走者也

五國戰河甲斐邊
江參河信濃也

成政失意

信雄敘任

十三年

長秀悔恨

加賀守長重

成政降秀吉

愕以為鬼物從者曰。吾輩自越中赴深志者。汝為鄉導。吾重賞汝。樵父乃燒柴燎之。導至。下詭訪使健步告德川氏。德川氏乃遣人馬迎之。十二月。至遠江。說曰。願公舉五國兵。吾亦舉越中。兩雄戮力。鼓行而西。必禽秀吉。德川氏以其言為倨。且知北地不便出援。乃辭之。成政遂適尾張。勸信雄再舉兵。信雄不肯。成政失意而歸。信雄敘從三位。任參議。十三年。進正三位。遷大納言。初丹羽長秀以秀吉為有忠功也。枉意助之。於是覩其勢出織田氏上。則大悔恨。託疾自殺。其子長重猶弱。舊臣相共謀。欲舉兵。繼長秀志。謀頗漏。八月。秀吉北攻成政。成政逆戰不克。降。秀吉乃予越中。于前田利家。予越前。于

德川氏

卷之十四

十四

十五年

松任在加賀
成田助九郎

秀吉殺成田

明年

秀吉賜死成政
信雄陞從二位內大臣

十八年

秀吉徙信雄封

孫七郎秀次後開
白

堀秀政返長重以若狹十五年秀吉以長重犯軍法奪
若狹擯為松任城主給五萬石家臣成田某憤懣謂其
同僚曰吾欲舉事誰與我者衆莫敢答成田罵曰皆非
久也秀吉聞之使人殺成田是歲秀吉于成政以肥後
肥後盜起秀吉怒明年閏五月成政自赴大坂謝之秀
吉使人迎之尾崎賜死信雄陞從二位內大臣秀吉以
其據咽喉地欲徙之未果十八年秀吉伐北條氏信雄
以兵一萬五千助之攻龜山及事平秀吉封德川氏于
關東八州欲以其舊國五州致於信雄信雄辭曰尾張
伊勢吾故地也得仍居焉足矣敢膺大封秀吉怒其不
服已封也乃奪二州予之已甥秀次逐信雄于出羽

文祿
後開成天皇

明年

文祿元年

參議秀雄

信雄退居削髮

四年

武鄉卒

丹波以將豐臣

方面謂能當一方
一面之敵也

三成譜氏卿妻殺之

石田治部少輔

藤三郎飛彈守秀

行

織田氏貞操

慶長三年

秋田明年徙之伊豫山口重政等皆事德川氏文祿元
年秀吉召信雄至大坂予其子秀雄以大野五萬石信
雄退居伏見削髮稱常真常真之弟次九自信長在時
為秀吉所養更名秀勝封之丹波為左近衛少將四年
秀勝卒無嗣國除是歲蒲生氏鄉卒氏鄉幼英敏信長
識拔之予十餘萬石以女妻之秀吉又任以方面累加
封至百萬石鎮會津已而悔之石田三成因譖其有異
心毒之疾作不起孤子秀行嗣秀吉聞其寡婦織田氏
美欲取之織田氏不肯秀吉脅之家臣交勸其往織田
氏削髮以死自矢秀吉怒慶長三年託事削其八十二
萬石徙之宇都宮當是時秀信年已長為中納言秀吉

慶長
後開成天皇

日本外史

卷之十四

十四

秀信居岐阜

秀吉薨

德川公攝政

五年

且康諫秀信

木造左衛門佐

秀信與三成盟

當時之幣以金銀

為板大如今大銀

金而方也隨便割

斷用之又別有鐵

金碎金等並行然

以枚數者皆方板

之幣云

木曾川在美濃

秀信逃于高野終卒
正則聘具康
福島左衛門大大

言約金予銀其封
尾張之為虛言亦
可知也

秀雄卒

信雄徙大坂

點生標記

徙之岐阜食邑如故秀吉薨子秀賴嗣德川公攝天下
政上杉景勝與石田三成謀除公五年六月德川公率
諸將攻上杉氏秀信佚遊奢侈國用窮竭以故不能從
軍七月石田三成舉兵關西追躡德川公使人脅秀信
曰岐阜當東下之衝不從則糞粉矣秀信疑懼欲附三
成老臣木造具康諫曰公以右府嫡孫顧役於豐臣氏
家奴乎秀信猶豫不決具康等請謀之於前田玄以玄
以是時為京師所司代秀信乃遣之玄以曰速東嚮具
康馳還未至近習爭勸其應西軍三成又遣黃金百枚
啗以大封秀信終與三成盟于澤山具康至嘆恨因又
請誘殺三成弗聽終為西軍守岐阜尾張美濃諸城因

心歸德川公也

是多屬西軍既而東軍還至清洲秀信出兵拒木曾川
具康曰我兵寡請堅壁待後援弗聽東軍濟川來戰追
北傳城秀信分兵守外城具康曰寡兵不可分請專守
內城又弗聽城遂陷具康力戰被創秀信降逃于高野
數歲卒東將福島正則使人勞問具康既而前田氏欲
聘之延以厚祿辭曰福島公已知臣矣遂就正則為其
國老信雄在伏見德川公之東征秀雄以疾不從三成
誑信雄信雄辭以無兵乃約給金千枚以募兵曰事成
復封尾張信雄乃應之請金乃予銀千枚信雄曰事成
可知矣召秀雄謀之秀雄力諫而止秀雄卒無嗣德川
氏收其封而不問信雄信雄徙居京師遂徙大坂以與

舅之子為內兄弟
始之子為表兄弟
曰之中表之屬也
長政三女長女生秀

賴

京極若狹守

木下丹波少將秀

十九年

片桐東市正

淺井氏說信雄

秀賴母有中表之親也。初信長妹適淺井長政，生三女。再適柴田勝家，勝家臨死使人匿三女于一乘谷。秀吉收而育之，皆有容色。秀吉自取其長女，次女嫁京極高次，三女嫁少將秀勝。秀勝卒，更為德川氏婦。長女專秀吉寵，生秀賴。母子共居大坂，乃迎信雄居天滿第。十九年，秀賴傳片桐且元使關東而歸，或讒之於淺井氏。淺井氏乃延信雄，使人說之曰：且元與關東通謀，圖我母子。吾將待其歸，伏甲誅之，遂舉兵也。內兄為我將，信雄驚曰：是大事也。且彼叛狀未見，請熟思之。淺井氏聞之，弗擇曰：再請不從，當先除此翁，以防漏泄。一侍女與信雄有故，捧茗而出，附其耳告之。淺井氏使再請，信雄佯

吾豈可再背德川哉
嚮應三成故云再背

織田有樂

大野修理亮

元和元年

武藏守尚長

諾曰：事已至此，吾豈固辭吾之少也。亦將一萬指揮之方，固所慣熟。今雖老矣，猶能得當方面。淺井氏大喜，使歸侯報，信雄歸第。謂其下曰：吾豈可再背德川之德哉。乃走京師，使人馳要，且元警之。且元以故得免。信長弟長益屬秀吉，食大和二萬石，為從四位下侍從。削髮稱有樂。以淺井氏外叔在大坂，與大野治長等並輔秀賴。以拒東軍城中倚賴焉。及和議起，先納質於東，勸淺井氏成和。和成長益乃赴駿府，請曰：僕在圍中，欲拔歸東軍，而和適成，以得有今日。僕無復所願，獨願於京師界府之間得一隙地，以為終老之計。德川公優旨慰藉。元和元年，兵再起，長益與小子尚長出奔京師，遂赴關東。

後本尾
元和

點主要記

日本外史

卷之十四

十一

丹後守長正

信雄卒

出雲守信友
兵部大輔信良

四家長正尚長信友信良也

流澤存記
識者以下二十二

遇德川公于尾張。悉告城中虛實。其長子長正。稱雲生寺。猶在大坂。請為元帥。眾不許之。長正曰。吾信長從子。而秀賴從父也。乃為元帥。何為不可。今如此復何望哉。亦出奔京師。及事平。德川氏分長益地。賜芝村。于長正。柳木。于尚長。無幾。何長益卒。賜信雄。以大和宇多郡五萬石。卒于寬永七年。第五子信友嗣。第四子信良。及兄秀雄。國除。召至關東。賜上野小幡。食二萬石。信友之後。有故削二萬石。徙于丹波柏原。信良之後。有故削一萬石。徙于出羽高島。此四家並立。以至於今。位不過從四位下。然豐臣氏既亡。而織田氏之祀。永與德川氏俱存。識者以為其流澤遠出。重盛之忠孝。迥由信長之功德也。

字一作世以為重盛。信長勸王之澤也。博以手拍黏土以為培也。擊鼓之下。謂京師也。大將軍告身。筆直一醉。唐制。受官之符。曰告身。肅示之時。府庫無畜積。朝廷以官爵賞功。諸將出征。皆給空名告身。聽臨事注名。其後由是官爵輕而重。大將軍告身。一通。聽易一醉。名器之濫。至是而極云。

假關東管領。指上。也。外史氏曰。往時平安。故老有及觀元龜間事。言其時宮闕墮廢。羣兒入頽垣中。搏土為戲。及織田公來。始有可觀云。夫應仁以還。海內分裂。輦轂之下。每為兵馬馳逐之場。非右府誰能開除草萊。以再造王室哉。及朝廷躋其功。擬以征夷之拜。則辭不受。蓋將家與王室俱極衰頹。名重實輕。不猶所謂大將軍告身。厘直一醉者耶。右府志在混同海宇。不欲遽冒虛名。爾視之。彼假關東管領。以誇隣國者。其器量固有間焉。抑朝廷名器不足輕重天下。豪傑至於如此。挾焉以令天下。天下未必聳動也。而右府為之扶植經紀。懇懇不置。是其高義。雖謂凌

假關東管領指上

日本外史

卷之十四

廿九

杉氏
為之為朝廷也
凌駕謂其出其上

較錄兩爭尋常謂
規模狹小也尋常
以地言猶云及地
也

險礙也

齊桓而駕晉文可也當是之時羣雄之割據方隅者環
視傍觀而莫能出於此其日夜所務以代眠食者曰戰
而已矣而所謂戰徒較勝負於銖兩之間拏攫搏噬
以爭尋常如武田上杉北條毛利概無不然獨右府以
超世之材籠蓋而取之其視武田上杉猶我藩籬使其
相持不決日費其財賦月敝其甲兵適足以隔閼我東
面而我得以專力經略畿甸畿甸已定西面以臨毛利
氏如拉枯摧朽耳於是我疆土益大兵力益強以強大
之我加費敵之敵上杉武田固不能支我而北條氏孤
立矣則東國皆可圖也是其成算夙定於胸中矣必較
區區勝敗哉猶夫奕碁也天下羣雄方守角依傍而右

譬之治樹根之盤
互木節之交錯必
以利器鋤斲斬斷
而後見其功也

周世宗名榮太祖
妻兄柴中禮之子
也太祖無子故養
之北漢主來太祖
喪政周世宗自樂
之滿道等皆諫不
聽自犯矢石督戰
後屢出攻伐故曰
勵精進取也
宋太祖趙匡胤周
世宗之時掌軍政
數立大功後受周
禪

府獨以全局制其勝可不謂之超世之才歟然定數百
年分裂之世如治盤根錯節必以鋤斲斬斷見功其間
必有大矯拂人心者而取之甚難者持之必太急待將
帥御臣民不能無猜忍刻厲之病所以中道遭禍亦勢
之必至不足深咎也昔周世宗以英明之資而抱混一
之志不牽衆言厲精進取雖半途而沒而能開趙宋之
業右府之迹蓋似之矣而豐臣氏以右府將校繼其成
緒能就其志而至於尊王之義經營四方之略無一不
師右府者即德川氏之興亦不能不因此以致王室將
家並見今日之盛佐成大業藩屏四方者概係右府所
置焉則謂之右府之業亦何不可譬之築室治其蕪穢

京正集

卷之八

三

鑿實到同削平也
為表也

其高卑而又為之鳩其材木使後人加之繩墨斧斤
成而居之嗚呼其勞寧可沒也

日本外史卷十四終

豐臣氏略系

○秀吉 秀吉起微賤無姓氏始稱平氏中稱藤原氏後
蓋冒他姓請賜新姓曰豐臣
生父曰彌助繼父曰筑阿彌幼名曰吉自造姓
名曰木下藤吉繼曰信長命名秀吉除筑前守
更氏羽柴終為關白及讓職自稱太閤

秀長 筑阿彌子為
秀吉異兄弟
秀俊 實秀
次弟
秀次 秀吉
妹子

附錄

木下家定 秀吉夫人
北廳兄

勝俊 長嘯
子

利房 足
守

延俊 出日

秀秋 為秀吉
所養

○秀賴 幼字重元亦
淺井氏出
國松 出庶

鶴松 淡井氏
所生夫

秀秋 實秀吉夫人經
出嗣早川氏

秀勝 實信
長子

天文

日本外史卷十五 所載之與... 德川氏前記 豐臣氏上

豐臣氏出於尾張尾張愛智郡有中邑邑多銀杏樹因

或呼銀杏村享祿天文之際村民有彌助者焉彌助無

子與其妻祈之於天妻夢日輪入其懷己而有身天文

五年正月朔生一男兒因名曰日吉日吉生而英異八

歲失父其母挈日吉轉寄食邑人邑人患之同閭有筑

阿彌者為國主織田信秀之僕以疾歸耕邑人為議納

為繼父生一男一女乃託日吉于邑傍光明寺欲使為

僧日吉機敏而不曉誦梵每聞人談武事輒傾聽之慨

再嫁德川氏

日輪入懷
天文五年
後奈良

筑阿彌
世土家曰閭曰鄉
之人而即曰村也

一男後名秀長
女後嫁佐治日向
再嫁德川氏

傾心松雨也

大丈夫安學乞丐

然歎曰僧乞丐徒耳大丈夫生於亂世安學乞丐為於是游嬉任意與人爭輒歐擊之欲使僧厭苦己僧遂議逐歸其家日吉恐繼父怒己也大言曰果逐我我且焚寺悉擊殺羣僧僧頗懼乃託事辭謝予衣物禮而歸之日吉時甫十歲父素貧不能共存復遣為人奴所至皆數月而去轉徙於尾張美濃間比二十歲遂如遠江為土豪松下之綱家奴之綱愛其才幹每事使之命名與助之綱一日從容問曰汝尾張人也知織田氏所用鎧何樣邪與助對曰天下之鎧皆桶皮尾張獨用胴圍施藤右助屈伸如意之綱曰吾欲得胴圍一領汝為吾往買來即附黃金六兩遣之與助行自計曰吾攘此金以

松下嘉兵衛

攘金資仕

備後守信秀

非信長無足與成功

名者

木下藤吉

駒峴也

汝面類猴

小筑

明年

資仕進苟得意他日償之易耳小節不足拘也乃入尾張就其叔父謀焉叔父可之因勸仕織田氏當是時信秀既沒信長嗣立攻畧四疆與助亦以為非信長無足與成功名者於是用其金辨刀劍衣服自造姓名曰木下藤吉賙信長出跪謁道側曰臣父筑阿彌嘗為君先公奴臣幼流寓他方不能自達君門願君復收臣為奴信長熟視笑曰汝面類猴其心必捷矣乃收為奴常挈鞋以從以其筑阿彌子也呼曰小筑藤吉奉仕甚勤依託道臣給其使令信長嘗侵晨獨出從者未屬而藤吉輒從之如斯者數信長寢親近之其明年信長所居清洲城壁壞可百步命吏發卒補之彌月不成藤吉從過

蘇生標記

小筑何言

永祿二年

城下仰視而嘆曰。嘻。危矣。因獨語久之。信長微聞之。呼藤吉。面詰曰。小筑汝欲何言。藤吉畏憚左右。不敢答。信長佯怒。拉其手。近之。藤吉乃曰。方今君國東有。今川武田。西有。齋藤。淺井。六角。日。窺我隙。然而。弛備。如此。有司為君謀。不忠。信長默然。既而歸舍。召藤吉。曰。使汝司工事。則汝能速竣之乎。藤吉曰。能。信長曰。吾今日命汝司工事矣。藤吉拜謝。徑詣吏告曰。主公命僕司工事。願諭徒屬。使聽僕令。吏意憎之。曰。子好為之。吾不復管也。藤吉乃盡會役徒。以君命。賜之酒食。乃分為十隊。以一隊充十步。身自獎厲督促之。兩日而成。信長適獵歸。見而大驚。曰。猴奴乃能如此。因加俸。升為吏。是歲永祿二年。

永祿

三年

猴奴何知

前田天千代後又
左衛門加賀大納言

淺野又右衛門
杉原七郎兵衛

席葉成結

以葉為席。貧賤人之居也。貴。材。板也。飯。長。頭。髷也。蓋。小杯也。

也。三年。藤吉又上言曰。清洲城乏水。從小牧使信長已欲之。而憚勞費。未果。且惡人知之。水也。乃叱曰。猴奴何知。敢進妄言。罪當死。凡藤吉言事。輒見。中存。歎曰。笑之。曰。彼面皮何厚也。藤吉不以為意。獨欲深結於信長。信長之士。前田利家。淺野長勝。與藤吉善。淺野養中。邑人杉原某。二女。利家悅其長女。欲娶之。女不肯。強之。不已。淺野患之。藤吉權謂利家曰。子舍諸。吾已通之矣。利家笑曰。吾未之知也。苟然。子盍速婚。再婚是屬。唯文節而猶相也。吾為子媒焉。藤吉亦不甚辭。遂因柴田勝家。請信長。見允。藤吉家貧。成婚之夕。夫妻布藁于簀而坐。以瓦缸。取盞。相酬。妻知其非常人也。事之甚謹。後淺野養近。江人。安井長政者。為子。

點在標也

日本外史

卷之十五

外戚
淺野彌兵衛後彈

正少弼
加藤清正

福島正則
小出秀政

六年
兵法 意音膜

福富平左衛門
意猶疑為人所意

念也
津島在尾張

粥音音實也
唯貧故為人所意

制旗集少年
今川治部大輔義

元
齋藤右衛門大夫

龍甲

龍甲

妻以其少女於是長政淺野加藤福島小出諸人皆以外戚

屬藤吉六年夏信長閱兵河洲戲以藤吉為將藤吉部

勒指麾之如老兵法者其九月信長出舍洲股逆臣福

富某失其刀筭意藤吉藤吉急赴津島市密懸金購之

有一卒來粥刀筭藤吉驗之乃盜刀筭者也即執縛之

候信長還攜卒要謁俯伏垂泣信長問故藤吉具對曰

臣唯貧故為人所意每道也信長憫之為償其懸金遂賜以百

貫邑信長方行儉富國患薪炭費多命藤吉司之費省

十七因試之數事皆効然未使將兵也藤吉私制一旗

集少年自從信長觀之怒其妄命斫其旗藤吉意色自

如信長已克今川氏定尾張西攻齋藤氏於美濃踰洲

十絕也

舉俠盜姓名

信長許為將
九年

股河用兵數不得志因會諸將謀築壘于河西以一將

守之諸將人人自危莫敢當者信長密謀之藤吉藤吉

對曰孤壘斗入敵地我兵必不欲往即往不諳其地形

險易一敗莫復往者不若因其土人用之臣嘗寓美濃

與其豪俠大盜相識宜誘為我用因屈指舉其姓名得

蜂須賀小六稻田大炊梶原隼人青山新七以下六十

餘人其黨屬千二百人信長曰吾亦聞有此輩矣誰將

此者曰臣願當之信長許之九年九月發卒築壘敵將

守近邑者以八千人出而沮之我兵且戰且築數日而

成於是授藤吉以甲士五百成而遣之藤吉乃招聚所

識者壘兵凡可三千敵欲誘出而陷之以輕卒挑戰藤

元龜 卷之十一

不行危道莫以為大
功
道猶術也

命名秀吉
大澤二郎左衛門
守留間在美濃

吉不肯出。即夜發其衆。議曰。敵必疲矣。且以我為怯。不復設備。可襲而破也。乃令小六等以數十人襲敵城。戒曰。莫使敵尾入我壘。大炊曰。公勿憂。開門可容二三人。以待之。臣請殿焉。藤吉曰。前言以主公意。爾不行危道。莫以為大功。自固而棄士。吾所不為也。公等勉之。衆踊躍而出。頃之。邑中火起。大驚。藤吉又遣兵援之。衆大獲而至。乃效首虜於信長。信長賜藤吉一旗。就壘傍賜三千貫。命名曰秀吉。美濃豪傑大澤某據守留間城。為信長所患。秀吉以計降之。攜謁信長。信長大喜。其夜密召秀吉。曰。大澤叛服不可必。不若速殺之。對曰。叛則誅之耳。今而殺之。無復來者。不聽。秀吉歸舍。不佩刀。而召大

脫大澤

重治好奇計
竹中半兵衛

十一年

六角右京大夫
賴承禎

三好山城守兼長
等三黨

十二年

鎮京師

村井長門守
元龜元年

澤曰。吾於子之身有所不安。子弟連。皆為。留間。質。大澤乃。去。諸豪傑聞之。多願歸秀吉。竹中重治者。對奇計。從齋藤氏不見。遇亦來屬焉。十一年。信長擊。六角義賢。為先鋒。與諸將攻。其作城。拔之。信長擁立將軍。足利義昭。京師三好氏兵屢犯之。十一年。義昭謂信長曰。為吾置一將。智勇兼備者。以鎮京師。信長曰。諾。將擇以進。衆意擬柴田勝家。丹羽長秀。佐久間信盛三人。至命發。則木下藤吉也。衆大驚。秀吉既拜命。即日詣足利氏。面謁。義昭裁決京師事。無不立辦。三好氏不敢犯。衆妬之。譖其自用太過。信長斥不納。尋修大內。以秀言及村井貞勝監工焉。八月。從擊伊勢。攻。香城。先登。元

觀寺城據

伊勢 香城 先登

元龜

朝倉左衛門守

淺井備前守

留義景

木村隼人正
生駒推樂頭
前野但馬守

一年
鎌羽在近江

三年

日本外史

卷之十五

五

龜元年四月從擊朝倉義景于越前越前為先鋒越前技于尚城
會淺井長政發兵斷歸路後信長欲軍恐義景尾擊四誰
留拒義景者敢不敢答秀吉進曰願命臣乃以三千人
留當義景義景不肯出遂引兵而西參河國王德川公
以客將殿信長軍秀吉與之合兵行擊土寇達于京師
以功食慶智川三萬石木村生駒前野諸人屬之六月
從擊淺井朝倉二氏于姊川因守橫山九月淺井長政
朝倉義景合兵圍信長于大津秀吉赴援圍解而歸二
年五月淺井長政發兵攻鎌羽城城距橫山頗遠秀吉
以輕兵馳達山背立旗於城後敵驚潰走八月從攻淺
井氏山本城三年七月又攻之朝倉義景來救逆擊破

天正

天正元年

使信長無北顧之憂

三年
武田四郎

除前守

桐號瓢表

之天正元年以信長命廢將軍義昭使之若江淀城為
義昭守不下往說降之八月朝倉氏滅秀吉拔小谷
獲淺井長政父子秀吉拒二氏有年使信長無北顧之
憂得以經營畿內以功食淺井氏故地近江淺井鄉近傍之地
城于長濱居焉三年五月信長援德川氏與武田勝賴
戰于長篠秀吉為左先鋒有功八月朝倉餘黨人起越
前信長攻之至敦賀秀吉受命以舟師達出敵後上岸
毀舟襲河野取之遂拔龍門諸城皆潰是歲除前守
更氏羽柴秀吉以桐為號以金瓢為馬表每一提加一
瓢曰吾必積至千矣因稱千瓢織田氏之出軍也桐號
瓢表敵望而避之前後加封總二十二萬石秀吉私與

織田信長

卷之十五

五

主公外優裕而內猜

養秀勝

次九秀勝後丹波

少將

毛利右馬頭俊中

納言

淨田和泉守

赤松兵部少輔

別所小二郎

小寺藤兵衛

孝高有器略

黑田官兵衛後助

解由号如水

五年

為征西大將

其謀臣議曰主公外優裕而內猜各吾受大封必不能保終因從容自信長曰臣敢請養二郎為子讓之以臣祿信長喜因問曰汝祿如何曰君命臣西征者西國二三州可指日而取取輒獻君臣請其餘耳信長乃以其少子秀勝為秀吉義子當是時毛利輝元割據山陽山陰十餘州淨田直家以備前美作附之播磨亦松義祐別所長治小寺政職等恐被其兵送款於織田氏政職使者黑田孝高有器略因秀吉說毛利氏叩擊狀曰臣請為之鄉導秀吉具語之信長信長終決意西征五年以秀吉為征西大將使取播磨以自封十月秀吉入辭信長授以記職曰功成則舉中國子汝汝遂進取九

森河內守
天部善七

秀吉大言

政職錄毛利氏

美濃守入道宗圓

州若其援師當依請遣之秀吉拜而對曰君不以臣鄙陋舍勲舊諸將而命大任於臣臣故不竭力臣等記職之職是君使臣得專制也討叛撫服臨機制變以定中國在臣度內耳君之近臣森矢部福富諸人積累勞未有所報中國已定願以封此輩臣則直進乘勢遂下九州九州下則願賜其一歲之入當糧反造舟艦濟海入朝鮮君欲賞臣功願以朝鮮為請臣乃用朝鮮之兵以入於明度幾倚君威靈席卷明國合三國為一是臣之高志也信長笑曰秀吉又復大言乎遂許便可從事於是秀吉將兵數千入播磨至于御著政職中悔走歸毛利氏黑田孝高與其父宗圓居姫路迎說秀吉曰臣

安乘郡在播磨

岡山在備前

堀尾茂助後帶

中國兒戰勿能差

六年

尾子四郎

長治叛

所居形勝之地也。若宜據為根本。西面以圖毛利氏。秀吉從之。予孝高以安乘郡。十一月。秀吉將兵攻左州。拔之。進取。上月。淨田直家在岡山。發兵來援。孝高逆戰。秀吉赴援。令隊將堀尾吉晴進擊。我兵少卻。秀吉自後呼曰。今日始與中國兒戰。勿貽濃尾之羞。我兵奮前。擊走直家兵。遂拔上月。而還。己而直家襲而復之。六年正月。秀吉大城。姬路。故出雲國主尾子勝久以兵來。屬取上月。以乏糧。退還。城復為直家有。二月。秀吉赴攻。盡焚殺其兵。以城予勝久。三月。別所長治叛。附毛利氏。聚族黨八千。據三木城。城甚險。而野口志方、神吉、攝橋等諸寨皆應之。秀吉按地圖議曰。彼欲俟我攻三木而襲其後。

吉川駿河守

小早川左衛門佐

後中納言

秋田城今三位中

將信忠

北島信雄後內大

臣

神戶三七

直家送款

彌九郎後撰津守

行長

元續降

南條伯耆守

明智十兵衛日向

也。吾當反其計以制勝矣。乃攻野口。下之。四月。毛利氏族將吉川元春、小早川隆景與直家合兵七萬。攻上月。秀吉留兵備三木。而自赴援之。陣于高倉山。信長使攝津守荒木村重等來助。五月。更遣其三子信忠、信雄、信孝來援。相持不戰。秀吉以為敵兵衆食足。未可勝。即勝非吾功也。乃請信長班軍。陣于書寫山。攻拔神吉志方。八月。秀吉將二萬人攻三木。直家知秀吉終不可抗。欲送款焉。會畷港藥商子小西彌九郎者。養於岡山。賈人其生父老於京師。秀吉微時。數館其家。與彌九郎親善。直家因用充使者。赴三木。秀吉為請信長許之。伯耆國主南條元續亦以國降。而荒木村重為明智光秀所讒。

日本外史

卷之十五

面諭村重

得罪。叛應毛利氏。十一月。信長自將討村重。秀吉往見。信長曰。臣識村重。非叛者。也是必有故。臣請說降之。乃輕裝赴伊丹。面諭村重。村重謝曰。織田公豈終釋然於我哉。秀吉泣別而出。伊丹人請殺之。村重曰。彼肯輕身來此。殺之不義。秀吉更遣黑田孝高說之。村重囚之。孝高不屈。秀吉乃歸三木。休戰築長圍困之。長治與村重通。自間道潛出。城于淡河丹生。互為應援。七年正月。長治出襲秀吉。秀吉與異父弟秀長逆擊。大破之。斬其銳兵八百。二月。秀吉以風雨夜襲取丹生。使秀長以五百騎攻淡河。不利。守將亦收入。三木乃命加藤光泰築寨以絕其糧道。九月。村重棄伊丹走。保華隈。孝高乃得歸。

七年

小一即秀長大和
大納言

加藤作内遠江守

孝高為謀主

平田異時
谷衛好也

脇坂甚内俊中務
少輔

八年
長治自殺

先是竹中重治死。孝高獨為謀主。村重與長治皆告急於毛利氏。毛利氏不能援。獨送糧食。襲破平田寨。長治引兵出。取其糧。秀吉以麾下邀擊。大村道七。脇坂安治。斬敵驍將魚住源吾。秀吉因大破之。獲別所氏族十人。徙壘逼城。八年春。遂陷之。使長治自殺。以免城兵。於是盡定播磨。乃令浮田直家以備前美作兵。西圖毛利氏。城于兒島。小早川隆景數攻之。乃遣淺野長政率舟師赴援。擊走之。時山名氏據但馬。因幡屬毛利氏。於是秀吉自將擊山名祐豐。于但馬。攻竹田城。四月。擊山名豐國。于因幡。因幡質子在鹿野城。秀吉攻而取之。七月。再入但馬。拔諸城。山名祐豐以出。石城降。遂定但馬。再

擊山名氏降之

但馬守祐豐又右

衛門督

中務大輔豐國

九年

籍音狄八米也釋音批出水也

十一年

加藤亮之物後主

許願

娶杉原氏見上

與山蓋據逸史陸

德太平記作高山

秀吉譜太閤記並

作鑑島未詳孰是

宮部善祥時

五歲定五國

五國丹波但馬因

卷陳

大膽藤吉

十年

直家卒

八郎秀家後中嗣

言

彼攻於北我救於南

灌高松城

入因幡至鳥取城縛所取質子於城外諭降之豐國乃
 出降而城兵未下乃引兵還九年春令海賈齎金數千
 兩赴因幡索粟倍價糴之因幡人大喜爭糴七月秀吉
 乃以兵五萬攻鳥取使秀長攻丸山二城食乏我牙兵
 加藤清正等日夜攻擊清正杉原氏戚屬也襁褓喪父
 母秀吉妻取育之是役甫十八與城兵戰多獲首級十
 月吉川元春發兵來救未至而城陷秀吉進入伯耆助
 南條元續軍于鷓鴣山與元春相持大己寒定因幡使降
 將宮部繼潤守之而還秀吉以五歲定五國十二月赴
 安土即夜謁信長信長呼而前之撫其面曰汝面目非
 復昔日藤吉明日我且以客禮饗汝矣且日秀吉獻寶

刃一鞍馬百土物五千布蓐蔽地信長自城樓視之欣
 然謂左右曰此大膽藤吉所獻者乎饗而遣之十年正
 月直家病卒秀吉為請立其子秀家宮部繼潤使人來
 告吉川元春欲攻鳥取秀吉曰彼攻之於北吾將救之
 於南也乃引兵入淡路二十日定之四月將六萬人入
 備中攻宮地下之遂攻冠山加藤清正先登浮田氏兵
 繼之冠山兵盡走高松城秀吉隨圍城城傍平田多池
 沼而甲部河在其西秀吉登山熟視曰是可灌也五月
 自移營于蛙鼻岡築巨防於城南引河水灌之使淺野
 某以舟載大礮擊碎城樓於是吉川元春乃舍因幡而
 來救與小早川隆景合兵陣于廂山輝元在其後秀吉

標梢上設架如鳥巢樹而栖也

功大身危

堀久太郎後左衛門督

筒井伊百入道

池田勝三郎勝齋

中川瀨兵衛

高山右近

和議水訖
本能寺變報
長谷川宗仁

高松城陷
城將清水宗治也

却前議告變故

隆景建議

分二萬人當之。益築防使。城兵結標而坐。元春隆景數挑戰。秀吉固壘不出。因謀曰。吾連取數國。今又舉毛利氏。則功大而身危。不若請主公於此而為之。先鋒乃馳使白信長曰。城陷在旦夕。而毛利大舉來援。請出大旗分軍為二。一以當城。一以擊援師。不出。一歲而中國可舉。信長大喜。使堀秀政先往。乃命明智光秀。筒井順慶。池田信輝。中川清秀。高山友祥等。率兵三萬五千。援秀吉。而自以百餘人入京師。館于本能寺。將親繼之也。初光秀以事怨望。至是亦不欲往。信長迫而遣之。使歸丹波。治兵而西。當是時。高松城不漸水。數入東西之軍相去可百步。毛利氏聞東軍大舉。且至。遂使使議和。秀

吉未之許也。六月有人稱京師使者。馳入軍門。秀吉覽之。所知宗仁者。變報也。曰。光秀久以丹波兵攻右府。于本能寺。弑之。右府者。信長也。秀吉大驚。而未嘗言。明日。率數十騎。巡視堤防。是日。城陷。城將自殺。而毛利氏猶張軍不去。明日。遣使者來。治前議。秀吉却之。曰。當俟明日。議之。明日。使者復至。秀吉自度事終泄。不若自我發之。乃具告使者。以變故。使返報。曰。事已至此。公等猶與我和乎。若欲擊我。則莫今日若也。公等徐計之。使者返報。輝元大喜。謀於諸將。諸將皆曰。我與信長相。非與秀吉和。今信長死。彼軍情沮廢。危疑萌起。我乘是時。掩擊之。必獲秀吉。是天幸我家也。不可失矣。隆景曰。吾所見

日本外史 卷之十五

異於此信長之死非天幸我家乃幸於秀吉也何則應
仁以來七道分離爭亂相踵至今日而極矣天將生一
豪傑以掃蕩天下吾視秀吉舉動得非是乎信長既死
其子弟將佐孰出秀吉右者夫和議發於外而變故起
於內使常人處之必深秘其事速成前議今正告不隱
任吾從違其量豈可測哉吾使人候視其陣不異平日
今與之戰我曲彼直讐我必深敢死來戰能保必獲之
乎苟不獲之使其脫歸異日雲蒸龍變我無遺類矣以
吾計之莫如從前約彼遭際禍難多我不違約必厚遇
我功名富貴將與我共是我與彼同屢卓山輝示然之
乃送質成和且弔之於是秀吉欲還討光秀內乞毛利

多稱美之辭也

天下之事在此一舉

氏假可銑谷五百餘三十騎士出隊輝元如其言秀吉
會諸將士垂泣謂之曰吾受右府之恩無物可以報章
所知也今日改此復仇非吾而誰天下之事在此一舉
汝輩其爲我勉之乃引兵上途兼程疾行至於尾崎當
是時光秀既弑信長及信忠遂進陷安土收其寶貨而
西屯于京師施行政令復引兵適安土織田氏公族將
帥皆觀望相仗莫敢先發秀吉既至尾崎發哀斷髮毀
形使人周告諸將曰明智光秀淺棄浩恩敢行大逆天
地所不容人神所共憤也秀吉義不與光秀共戴天悉
發領國之兵自將至此願與諸公俱一戰必梟豎子以
弔先君之靈於是諸將帥盡會尾崎初光秀之發難也

發哀告諸將

龍川左近將監

古馬助光春
洞嶺在河內
遠使約戰
赤藤內藏助

與其衆謀曰方今紫田勝家當上杉氏龍川一益當北
條氏羽柴秀吉當毛利氏而丹羽長秀佐信孝將赴四
國我出空虛之地得以成大事天下不足圖也至是聞
秀吉在攝津大驚使其從子光春守安土而自至洞嶺
十二日遂入定城秀吉遣使告光秀曰明日會戰于山
崎光秀諾之乃聚將士其將齋藤利三在洞嶺諫曰秀
吉大衆新來其鋒甚銳戰必無利不如且避之退入坂
下以爲後圖光秀怒曰天下視右府如鬼神而吾一擊
獲之天下誰能敵我汝速來戰則畏藤吉也利三不得
已來會遂以見兵一萬六千分爲六隊夜半冒雨渡桂
川至山崎筒井順慶舉大和兵萬人軍洞嶺爲其後援

天王山

天王山在山城
賊旗幟登松
田四郎左門守
即

黎明秀吉統諸將而至高山女祥爲先鋒中川清秀池
田信輝丹羽長秀織田信孝以次相屬兵各數千秀吉
自將騎卒二萬居其後已而兩軍皆陣秀吉北瞻天王
山指謂左右曰今日之戰使敵先獲此非吾利也言未
畢賊旗幟登焉乃命堀尾吉晴往奪之吉晴應聲而起
單騎馳赴之則賊兵先上者已千餘人矣吉晴顧其兵
能屬者十五六騎弓銃手二十人進躡其後賊弓銃在
前不可用吉晴全兵與堀秀政皆至大呼奮擊賊兵遂
棄山走吉晴等代陣焉友祥爲先鋒關山崎南門不聽
他隊先進聞天王山軍聲起乃開門而進與賊左陣大
戰殺傷相當清秀踰坂而進賊左陣不能進信輝亦濟

燕注標記

日本外史

卷之十五

十一

順慶觀望

比田帶刀秀熙

光秀伏誅

殞信長

十兵衛光慶

川衝其右陣合擊大破之斬其三將洞嶺軍觀望勝敗
不戰而走秀吉追北直逼光秀光秀怒欲親戰比田某
叩其馬曰敵鋒不可犯請且入勝龍城光秀惶惑曰勝
龍安在比田騎而前導我兵充塞前後比田等戰且走
纔得達城上閣而望則我兵已圍城數重城兵稍稍散
亡所餘僅百人即夜光秀與十餘騎潰圍北出馳向坂
下至于小栗棲土兵四起自林中以槍刺其肋墜馬死
秀吉既破光秀軍收信長屍于灰燼中殞進陣于園
城寺聞光秀于光慶在龜山遣兵攻之斬光慶又聞從
于光春在安土令堀秀政將萬人伐之會光春于大津
擊破之光春騎渡湖水入坂下手及光秀妻擊火城自

奏捷泉殿

去信長薨十三日

辭叙任

會議立秀信

三法師秀信後岐

阜中納言

不復受分地

殺齋藤利三亦被捕伏誅而光秀首至秀吉乃奏捷朝
廷狗光秀首京師梟于本能寺去信長薨日十有三日
矣遂留幕于山崎寶寺誅支黨納降附當是時秀吉威
震畿內四方兵士來聚山崎者凡六七萬人天子嘉其
功詔敘從四位下任右近衛中將秀吉辭不敢拜秀吉
以信長繼嗣未定與諸將領會于清洲議事八月瀧川
一益柴田勝家皆引兵會焉議信雄冒北畠氏信孝冒
神戶氏皆信長庶子不宜立乃以信忠遺命立其長子
秀信為嗣居安土焉而信雄攝之柴田丹羽池田氏與
羽柴氏更置吏于京師信雄以下各分遺地領之秀吉
自略定播磨但馬因幡丹波諸州至是皆為其有則不

庶姓標記

日本外史

卷之十五

十一

細川兵部大輔二位法印号幽齋附庸猶屬城也謂附諸候

勝家詭秀吉

耳目非是耳語目注之間有不穩者也

邀入同行曰拉

阿閉淡路守

京極若狹守三位

宰相

族長之降高次

族族誅也

叙仕

請信長贈爵為喪主

三氏罷吏

三氏柴田丹羽池

田氏也

信孝與勝家等舉事

佐佐內藏助

氏家内膳正

稻葉伊豫守

信孝勝家並伴請和

復受分地諸將乃使浮田秀家及丹後國主細川藤孝附庸之長濱為秀吉舊領勝家以其南出便地奪之勝家威望最於諸將號曰鬼柴田是日踞而飲酒以謾言挑秀吉長秀附秀吉耳語曰子欲定國家即斬勝家秀吉晒而不答諸將視耳目非是促罷其宴信雄歸近江信孝歸美濃勝家歸越前一益歸伊勢長秀歸若狹秀吉與池田信輝歸攝津勝家聞秀吉在長濱不敢北秀吉乃遣義子秀勝為質勝家拉而北行尋而還之初秀吉自長濱從姫路未移其家本能寺之變阿閉長之京極高次欲取長濱應光秀家皆亡匿於伊吹山長之取其質賊從光秀戰山崎敗走而死於是秀吉族長之降

高次而歸山崎十月詔敘從五位下任左近衛少將秀吉拜命因請追贈信長爵位告公族諸將葬于大德寺無來會者秀吉自為喪主使弟秀長率卒萬人監護之既而三氏皆罷其吏一決於秀吉秀吉又與信雄協心以佐秀信勝家嫉忌之信孝亦與信雄爭權相惡於是信孝遂與勝家一益及佐佐成政氏家行廣稻葉通朝等俱圖秀吉及信雄約期並起信雄謀之秀吉秀吉曰越前多雪彼今未能出兵請及此時代美濃乃與池田丹羽筒井細川諸將合五萬人攻岐阜行廣通朝皆降信孝伴請和丹羽長秀贊之和成秀吉乃取其質子歸山崎勝家欲出援之阻雪不能出視冰雪輒憤怒乃遣

點注標記

招降勝豐

伊賀守勝豐

守馬下一有初勝

家慶姪佐久間盛

政之強武專任馬

不疎於勝豐二十

一字素作以故二

字

十一年

酬合聚飲食也

雪未解取一益雪已

解圖勝家

入說長秀連兵西向長秀不肯一益以書教勝家曰不
若伴和及來歲雪解出其不意夾攻之勝家然之使前
田利家等五輩來山崎請釋憾恻心共輔幼主秀吉許
之使者還報勝家兵備稍懈秀吉既遣使者謂左右曰
彼欲忘我而來襲焉爾吾且破其膽十一月引兵至長
濱勝家義子勝豐守焉勝豐素與勝家有隙秀吉招降
之復取長濱益築城堡備其糧仗以拒越前衝路十二
月還獻遺秀信及諸將遇勝家所親在京畿者故仇視
之十一年正月朔歸姬路撫循士民頒賞賜酬七日入
朝京師遂至安土議及雪未解取一益及雪已解圖勝
家乃徵內外將士會于草津部兵七萬為三隊三道入

瀧川亦老於兵者

浦生忠三郎飛澤

守

關安藝守

佐久間玄蕃

赴柳瀨

伊勢一益在長島分拒諸城秀吉留兵備之而進至
名縱火城下退而為營誠其衆曰瀧川亦老於兵者今
夜必來一益謂其下曰我已分兵在者甚寡以寡擊衆
不如夜襲即夜潛兵赴秀吉陣視其有備乃去閏月秀
吉攻下龜山納之信雄令浦生氏鄉開萬徹攻嶺城嶺
城未下勝家聞之發兵南出二月令佐久間盛政將步
騎二萬出陣柳瀨前田利長為先鋒縱火關原而退陣
于木本秀吉乃留氏鄉以下七將以當一益而自引諸
軍赴柳瀨自與老兵十餘騎上山望北軍曰是不可以
速戰勝也乃勒兵為十三隊據湖山形勢築連珠砦而
自屯長濱二月勝家悉引兵至柳瀨我兵堅壁不出丹

點注標記

日本外史

卷之十五

十一

信孝復舉兵

羽長秀來而助之。四月，信孝復舉兵，應於勝家。一益其十七日，秀吉以其軍南攻信孝。至大垣，盛政欲進擊諸壘。勝家不許。是時，柴田勝豐養疾在京師。其部下山路將監者叛降北軍。在盛政營中，謂盛政曰：聞神戶君舉兵，應我而秀吉往擊之。子豈得不赴援哉？盛政曰：固也。道路阻絕，敵充塞其間。我將如之何？將監進附其耳。語曰：敵諸壘皆固，獨中川清秀之壘在賤岳之麓。去我尤遠，而其備不固。吾潛兵趨之，出其不意，必獲志矣。秀吉在大垣，不能速來。子急擊勿失。盛政大悅。十九日，往告勝家。勝家曰：可也。吾與利家留當諸壘，汝則往擊。擊而勝，速還。慎勿留也。盛政乃與從弟勝政將萬人，乘夜

固當然之詞也
將監耳語

勝家誠盛政
三左衛門勝政

余吾湖在近

至余吾湖東，循湖而馳。比曉，至岳麓中川氏卒方飲馬于湖。盛政先鋒執斬之。其一人逃返，告急。清秀與高山友祥以數千人出戰。盛政謂其部將曰：長篠之戰，大為巢而捷，是可做也。遣人燒其壘，下營。我軍顧而敗。友祥走，依秀長。秀長等惶急，不敢援。清秀苦戰，終死。盛政既勝，因留不還。勝家召還之。盛政答以日傾，其履當後明。還。勝家曰：直路不過一里，何不亟還？盛政笑曰：老怯過慮，何足為意。使者五反，而日已暮矣。當是時，秀吉欲攻岐阜。會大雨，呂久河漲，未濟。午時報至，秀吉方食。問使者曰：盛政退未？曰：未。秀吉乃投箸而起，拔刀踴躍曰：吾得大勝矣。即命駛卒五十人先往募沿道民，曰：吾將赴

清秀戰死

使者五反

我得大勝

駛卒善走者也

日本外史 卷之十五 十一

藤川亦在近江

金瓢已在岳南

加藤孫六左馬助
平野權平遠江守

糟谷助右衛門内
片桐助作東市正

賤岳炬火導我酒食餉我遂令堀尾吉晴留當岐阜而
自提輕兵一萬五千舉鞭疾馳及藤川而昏黑山谷皆
炬餉者爭至兵皆立食秀吉行且呼曰記其里閭吾將
凱旋賞之北軍相驚曰濃路諸山多炬火秀吉來矣盛
政大駭將乘暗拔軍而北適月已出我軍觀之進躡其
後盛政留銃隊敵之引兵上岳北陣勝政在麓欲與之
合而金瓢馬表已在岳南銃丸亂發勝政兵立死者二
百餘人其陣稍亂秀吉顧左右縱兵乘之加藤清正福
島正則加藤嘉明平野長泰脇坂安治糟谷武則片桐
且元爭先奮擊多所斬獲諸軍從進遂大破之擒勝政
進燹盛政又大破之斬首五千級遂進赴勝家勝家在

校山亦在近江
盛政果敗我事

單騎呼門

勝家信孝皆自殺

益降

金山在美濃
清正以下逆臣七
賤岳七槍人

校山開賤岳軍大譟危之已而敗卒交至勝家曰盛政
果敗我事矣遂北走過見前田利家于府中請其馬馳
入北莊秀吉追走至府中單騎打城門連呼利家俗字
曰又左又左利家乃出迎之以其兵從諸城望風解走
旦日秀吉至北莊自上其後山令堀秀政縱火乘烟迫
城或縛盛政及勝家義子權六獻麾下秀吉視之城中
勝家遂自燒殺秀吉見城中火起則引兵北徇加賀能
登盡下之信孝出走自殺一益降於是秀吉還軍坂下
六月敘從四位下任參議七月大賞戰功予北莊于丹
羽長秀大垣于池田信輝澤山于堀秀政金山于森長
可賜逆臣七人秩各五千石世呼曰賤岳七槍於是逆

城大坂

三驍將謂岡田重

善津川義冬淺井

多宮也

十二年

信雄與秀吉絕

龍川三郎兵衛下
總守

畿粗定山陽山陰將士來尋去歲之盟上杉氏德川氏
皆使使賀戰捷秀吉有霸天下之志謂京師狹迫不便
漕運且無列邸第之地大坂北帶大河西控海水地勢
宏壯可以管攝七道十一月遂起十餘州卒城大坂成
而徙焉信雄視秀吉威權日隆心不能平其下有三驍
將秀吉厚遇之信雄疑其有私十二年三月殺三將與
秀吉絕乞援於德川氏池田信輝森長可堀秀政皆為
秀吉拒信雄信雄將龍川雄利初送質於秀吉秀吉屬
之脇坂安治於是雄利詐奪還之據其邑上野安治怒
以從者二十人入伊賀夜募土兵襲上野城拔之走雄
利秀吉令安治留定伊賀信輝長可亦拔大山守之秀

尾藤甚右衛門

中村式部少輔

小牧之役

按諸書秀次可

并為信輝婿以秀

政為監此曰秀政

長可為婿秀次為

監誤

左亦證也

誠信輝

吉遣尾藤知定監二人軍曰彼必負勇浪戰汝往制之
遂欲親將而東會南海盜起乃令中村一氏等當南面
浮田秀家當西面月羽長秀前田利家當北面而自將
東下至犬山德川氏北畠氏合兵陣小牧對壘未戰秀
吉遺書請戰德川氏不肯四月信輝自請問道擣參河
秀吉不答明日復請乃許之信輝率二婿秀政長可以
往曰親戚赴軍無他證左秀吉乃令三好秀次助之秀
次秀吉妹子也臨發誠信輝曰宜寨于篠木柏井募上
兵縱火東參河勿侮敵輕進恃勝不備既遣之自徙陣
樂田信輝長可進拔岩崎或走告德川公公與信雄同
其懈襲擊于長湫殺之其將佐曰秀吉斂軍機今必來

篠木拍井樂田岩
崎長湫小幡並在
風張

二帥謂德川北島
二氏

一柳市助後伊豆
守

美作守忠政又右
近大夫
兄邑美濃金山也

筒井伊賀守
九鬼大隅守
羽津在伊勢

矣乃收兵退秀吉得敗聞奮袂起曰敵亂次而來吾迎
而疾擊可以蹙之急抽精兵二萬自將赴長湫聞敵退
入小幡欲隨攻之稻葉通朝諫以日暮兵疲乃止下令
曰且日攻擒二帥參河將士爭請襲秀吉陣德川公不
肯曰秀吉勇略不世出其可狃而輕之乎夜退還小牧
秀吉亦還樂田五月留諸將守樂田引兵攻拔利井嶺
神戶松島竹鼻諸城六月以竹鼻予一柳直末令森長
可弟忠政襲兄邑封蒲生氏鄉于松崎食十二萬石統
攝傍近諸城秀吉自陣大垣往來伊勢尾張間修諸城
砦遣脇坂安治徇志摩移大和國主筒井定次于伊賀
以大和賜弟秀長以志摩賜九鬼嘉隆十月陣羽津信

富田左近
津田隼人助

細說細人之言也

矢田河原在伊勢
與信雄和
越前中船言秀康

長曾我部土佐守

岸和田在和泉

木森城在能登

奧村助右衛門攝
津守

雄陣衆名其君臣內相猜疑軍中數驚秀吉乃謂富田
知信津田信季曰我為先君復仇務鎮定國家而諸郎
聽細說遽欲誅我我不得已起與之較神戶君斷不良
死我至今悼焉為我謝北島君盡捐細故與其富貴二
人往告之信雄信雄許之相見于矢田河原和成德川
公使使賀之公尋送其子秀康為質秀吉之東和南海
盜數攻岸和田土佐國主長曾我部元親略定四國發
兵援之窺大坂中村一氏守岸和田擊却之佐佐成政
又以越中應北島氏將兵萬餘攻木森城城屬前田利
家城將奧村永福與其妻裝鶴士卒固守利家赴救大
破成政成政求援於德川公公辭之十一月秀吉進從

十三
年

為正二位內大臣

雜賀千石濠並在
紀伊

南征

硝櫃火藥櫃也

礮賊魁五十人
撤關寨以便商旅
也

三位任大納言十三年二月進正二位內大臣於是
議用兵於南海北陸欲先定南海南海賊根來雜賀最
強聞羽柴氏且來築三寨于千石濠悉銳守之三月秀
吉將兵十萬南伐令秀次備三寨而直指根來寺寨兵
以弓銃要之秀次縱騎傍擊遂合兵圍寨我軍發火箭
中賊硝櫃賊悉焚死諸寨皆解走秀吉則以生兵六萬
急襲根來焚之遂攻下雜賀引紀伊川灌大田壘礮其
魁首五十人進下熊野高野撤諸關寨以紀伊和泉加
賜秀長以近江賜秀次四月歸大坂秀吉遂以書諭長
曾我部元親當獻伊豫讚岐來朝天子否則有罰元親
弗聽五月秀吉令秀長秀次以舟師六萬往討之自阿

仙石權兵衛越前
守

元親降

蜂須賀素右衛門
阿波守

十河民部大輔
來島右衛門佐
南海盡定

菊亭右大臣

關白

波入又令浮田秀家自讚岐小早川隆景自伊豫並攻
元親元親將兵拒羽津秀次攻和氣秀長攻一宮皆降
之合攻水津又降之諸城解走仙石秀及前受封淡路
七月以其兵拔屋嶋秀家隆景亦陷數城諸軍刻期萃
于羽津元親乃乞降送質遂入朝秀吉讓曰來何晚也
乃奪其三國賜阿波于蜂須賀家政讚岐于仙石秀久
十河一存伊豫于小早川隆景來島康親以伊豫止求
賜加藤嘉明以淡路洲本賜脇坂安治南海盡定初秀
吉起微賤無姓氏始稱平氏中稱藤原氏於是欲為征
夷大將軍右大臣藤原晴季素與秀吉善為之謀曰故
事大將軍非源氏不可公稱藤原氏宜為關白秀吉曰

點注標記

日本外史

卷之十五

十一

二條關白

驅從謂車駕及隸卒也

賜姓豐臣置吏五人

篠山在丹波

水口在近江

留滯督留遲滯也贈賄贈遺賄賂也恩仇恩德仇讎也一切不擇貧富貴賤皆從事聽斷

關白何物。晴李曰：位亞天子，統御百官。秀吉大喜。時藤原昭實為關白，晴李諷辭其官，以秀吉代之。朝廷重違其意，遂詔許之。秀吉具驕從入朝謝恩，奏請授子弟將士以官爵。秀吉羞冒他姓，請賜新姓，曰豐臣。置吏五人，奉行政令。淺野長政、石田三成、增田長盛掌訟獄。長東正家掌錢穀。前田玄以掌僧祝，長政任彈正少弼。後封甲斐玄以稱德善院任法印，嘗為織田氏吏。後封篠山正家任大藏少輔，嘗為丹羽氏吏。後封水口三成任治部少輔。後封澤山長盛任右衛門尉。後封郡山秀吉成五人曰：大事會議決之，小事不必然。勿使有留滯，勿納贈賄，勿挾恩仇，訟獄之事無貧富貴賤，一切從事。當是

如刀之切物，切取整齊，不顧長短，縱橫也。

源現金銀

成政降

肥前守利長如賀中納言村上周防守溝口伯耆守上杉喜平治後會津中納言

時豐臣氏歲入二百萬石，府庫稱之曰吾不可獨自封。遂下令分金五千枚，銀三萬枚於諸將士，償其軍費。設場于京師第門，一日悉散之。八月，白將騎卒十萬北伐。北畠信雄以尾張伊勢兵前田利家以加賀能登兵皆會焉。佐佐成政據富山築三十餘壘于栗畷。秀吉張疑兵當之而航海直襲富山。成政惶駭削髮出降。乃加賜越中于利家，子利長。以丹羽氏有罪奪越前，割其半予堀秀政。令村上溝口二氏屬之。以鎮北陸。而越後國主上杉景勝未來。秀吉既勝成政，則與石田三成等十餘騎踰險直入越後。謂其疆上吏曰：吾秀吉也。汝主已通使於我。我故來見。欲面議事。吏馳使告景勝。景勝

與景勝盟

金森五郎八出雲

守又兵部卿法印

飛彈國司好小路

中納言

真田安房守

源次郎左衛門佐

幸村

一德齋幸隆

掌大謂執小也

景勝拔昌幸

源三郎伊豆守信

大驚遂來盟秀吉屏左右與語既畢西還使金森長近
略飛彈攻其國司好小路賴綱滅之因封長近焉先是
信濃豪族真田昌幸來送款納子幸村為質昌幸自父
幸隆屬武田氏及武田氏亡屬德川氏領上田攻北條
氏取沼田德川氏與北條氏婚令昌幸還致沼田答曰
公之所賜上田掌大之地耳至沼田我以吾兵力取之
焉得予他人哉德川公怒率步騎七千來攻閏月上杉
景勝以秀吉旨發兵援昌幸昌幸延之內城而自居外
城植柵城內伏兵城外而出羸卒誘敵敵進入城柵內
銃發敵陣亂二城夾擊破之敵走出伏起又破之昌幸
子信幸亦迎擊北條氏兵于沼田破之九月景勝自將

小笠原右近大夫
衡橫出東西為衝
言貞壽等與豐臣
氏東西相連也從
合從也
石川伯耆守
託信雄論德川公

隆景元長來大坂
吉川治部少輔

乃叔謂隆景乃翁
謂元春翁即父也

來援敵軍退去小笠原貞慶亦因昌幸送款與景勝並
連衡於豐臣氏以圖關東德川氏北條氏懼而約從十
一月德川氏將石川數正來奔其國大擾秀吉乃謂信
雄曰吾既定中州東西未服近日將西伐宜先與德川
和以拒北條也子為我圖之信雄乃遣二使諭德川公
公恐其有變不敢來是歲毛利氏遣小早川隆景吉川
元長來大坂元長元春子也秀吉善待之曰天主閣新
成當使卿等一觀乃自從一侍女導隆景元長及其從
者數十人上閣指示遠近山海因謂元長曰吾子乃叔
以伊豫乃翁未有所予吾數與乃翁治兵常恨不相見
以談往日戰略明年吾將伐九州煩乃翁為先鋒事平

十四年

聚樂第

大佛

以妹妻德川公

大友左衛門督号

宗麟

修理大夫義久号

龍伯

龍造寺山城守

高橋主膳正号

運

立花左近將監

西伐

兵庫頭義弘

中務大輔家久

秋月筑前守種實

筑紫上野介廣門

予之筑前也十四年二月内野第成命名聚樂秀吉將請天子幸焉率諸侯朝之也是歲又建方廣寺以木造大佛高十六丈與卒數萬人四方工人盡集四月以其妹妻德川公五月上杉景勝入覲先是豐後國主大友義鎮亦入覲初島津義久自薩摩起荐食九國義鎮與肥前國主龍造寺政家歲被其兵並乞援於秀吉窟城主高橋鎮種立花城主戸次宗茂皆來送款焉於是秀吉將西伐下教列國並固守以俟七月義久遣弟義弘家久略二筑降秋月氏筑紫氏乃攻鎮種鎮種自殺宗茂固守來使告急秀吉乃遣黑田孝高趣毛利輝元吉川元春小早川隆景九月又遣加藤嘉明脇坂安治趣

遺書義久

誠秀久

猴冠者所謂沐猴而冠者斥秀吉

宮内少輔信親

豐後守義統

尾藤左衛門佐

長曾我部元親十河存保皆發兵西向遂遺書義久曰開白問何以不朝貢何以坐取官爵何以縱出兵攻略隣國使仙石秀久齎書往因誠秀久曰彼若不服且勿與戰退以俟我秀久至義久投書於地曰我族國于此十四世矣促朝貢者獨有迥衛氏猴冠者敢欲屈致我乎秀久憤恚以大友氏兵進擊家久元親存保從之元親子信親與存保皆敗死元親走伊豫秀久走豐後嘉明安治力戰而退義久遂大舉入豐後下十六城大友義鎮既死其子義統出戰大敗事聞秀吉怒奪秀久邑予之尾藤知定終議西伐益促德川公入朝十月公從萬餘人而發秀吉母曰大廳往問女于岡崎以安其國

日本外史

卷之十五

十四

德川公入京

皇太孫周仁
後陽成天皇
陞太政大臣
奏請伐島津

石田治部少輔
大谷刑部少輔
長束大藏少輔
小西隆佐一作隆
作蓋俗錮
十五年
賽破賽也

人德川公到京師秀吉從數人就其館握手歎語遂呼
酒召其諸將談小牧之戰盡歡而出十一月德川公入
謁于聚樂第畢禮而去先是皇太子殂是月天皇禪位
于皇太孫皇太孫即位是為後陽成天皇十二月天皇
詔以秀吉為太政大臣關白職如故於是秀吉奏請曰
臣徵島津義久入朝義久不奉命臣請自將伐之乃令
越中尾張以西三十七國發兵以明年二月會大坂命
石田三成大谷吉隆長束正家掌糧餉小西隆佐建部
壽德掌漕運先赴小倉具三十萬人糧二萬匹馬芻使
可支一歲十五年二月兵會大坂者十五萬人秀吉下
令禁鹵掠止鬪諍又置吏于沿道驛舍使軍行莫蹇滯

攻岩石城

南條伯耆守
宮部善祥坊
耳川高城並在
向
增田右衛門尉
九毛三郎兵衛
城戶俗稱本詳

乃遣秀長將前軍先發三月朔秀吉自將諸軍發京師
水陸俱下義久既逐大友義統尾豐後府內發兵四出
聞豐臣氏前軍至豐前乃使家久守耳川引兵而退秀
長至耳川諸將先濟家久夜襲南條宮部氏營南條敗
宮部擊卻之明日秀長乃濟敵遂退保高城既而又退
二十五日秀吉至赤間關留增田長盛守關戶城九毛
某城戶某守門司城徵國人質子濟海入豐前廿八日
陣于馬岳分兵並進時秋月種實招島津氏兵據岩石
城城跨豐前筑前之間以險固聞秀吉遣義子秀勝攻
之令蒲生氏鄉前田利長輔之自以麾下登杉原山四
月氏鄉攻其南利長攻其北城兵能拒氏鄉先入其郭

小態在苑前
 長門守種長
 高良山在苑後
 新納武藏守
 伊集院右衛門大
 夫
 合子八代並在肥
 後
 右馬頭征久
 狹謂度置狹小也
 榜示優容
 優容寬裕有容也
 入薩摩
 又大郎忠良

秀吉自山上望見其徽號自脫其袍使人齎馳賜之曰
 被此以登內城氏鄉感激身先士卒會風大起縱火焚
 城城即陷秀吉乃進至小熊種實遁走使子種長以城
 降秀吉悉收其地進軍高良山龍造寺政家以肥前兵
 來會焉肥後諸城皆解走薩摩驍將新納忠元伊集院
 忠棟守合子城走保八代與島津征久合兵堅守秀吉
 以兵艦攻之忠元等夜逃秀吉入其城謂諸將曰吾征
 誅僻遠之國苟期於塵盡勢有所不可且見其狹也宜
 從優容速成大功乃榜于衢路曰各門故家脅從於敵
 者及豪俠大盜聚徒結黨者一切皆宥聽其自新令初
 下軍門如市秀吉進入薩摩降島津忠良五月進至千

湊會歌也

建牙太平寺

桂山城守

伊東豊後守
立或作兵或作隆

庭堂階前也不庭
謂不朝覲也

代河河接海港前所發漕船盡湊焉乃命水軍將加藤
 嘉明脇坂安治九鬼嘉隆造浮梁濟軍建牙于太平寺
 環布軍營填池澤夷丘阜方二里餘中開門巷縱橫四
 達遠近望風而潰乃遣水軍三將攻桂忠昉于平佐脇
 坂安治先登忠昉降於是秀長以日向故主伊東祐立
 為先鋒以五萬人自日向入前田利長與淺野彈正以
 龍造寺政家為先鋒以五萬人自大隅入家久以佐土
 原降義弘退陣求麻諸軍合而南下臨於鹿兒島島津
 氏將佐交勸義久乞降乃遣伊集院忠棟因秀長謝罪
 秀吉曰吾初欲誅不庭之臣使無遺類吾聞島津氏源
 右大將之遠裔也四百歲名族一日滅之吾亦不忍也

義久降

琉球貢獻

六論功罪

森吉渡守

毛利藤四郎久留

米侍從

高橋主膳正

鍋島加賀守

生駒雅樂頭初名

甚助

阿換在肥後

律以戒律亂罪也

彦山在豐前

大村丹後守初名

其宥之義久大喜削髮被僧衣從近臣五六人詣太平

寺降秀吉延見以溫言慰籍之命以義弘為嗣琉球國

馳使修貢獻七月凱旋至太宰府盡收九州質子大論

功罪令島津氏因故土領薩摩大隅日向削其侵地賜

肥後于佐佐成政筑前于小早川隆景豐前于黑田孝

高森勝信筑後于毛利秀包立花宗茂而大友義統高

橋統增伊東祐兵龍造寺政家皆復舊領差有增損使

政家族鍋島直茂攝國事及政家夭乃立直茂耳川之

事尾藤知定教秀長不即救因奪其讚岐後以賜生駒

親正丹羽長重犯軍法因奪其若狹賜之淺野氏削阿

蘇大官司邑律彦山僧徒大村氏私舍西蠻妖賊奪其

新八郎

禁天主教

復命于京師

成政時任陸奥守

分賜肥後于加藤小

西

十六年

天皇幸聚樂第

縱放也縱民令觀也

長崎邑磔賊二十餘人于邑中使鍋島氏監外國互市

焉禁天主教遂大修西海政令七月復命于京師天皇

遣使郊勞之八月德川公自來賀戰捷是歲西海諸候

皆就國秀吉誠成政善待土豪勿擾國民成政違教士

民皆叛踰年粗定秀吉讓之賜死以肥後分賜加藤清

正小西行長清正為主計頭行長為攝津守行長即彌

九郎也秀吉謂二人曰他日將有以用汝也十六年正

月秀吉遂奏請臨幸時承大亂之後典籍殘亡乃令前

田玄以與公卿雜議用足利義滿義教故事四月十四

日天皇幸聚樂第開白秀吉率文武百官扈從扈從者

蓋新典也遠近縱觀父老或有流涕者曰吾儕聞有行

大和大納言

三宅中納言

浮田中將

加賀少將

長曾我部侍從

大友侍從

牧伯進盟

渝變也

廣續也

戶稅戶調也

戶租謂令民賣物

以所得利占而輸

其租也

幸之儀久矣。今得親觀之。即日行享禮。使伶人奏五常
 太平諸樂。明日秀吉早盛服出侍于御座之右。盡召天
 下牧伯。使列於前。內大臣信雄。大納言家康。大納言秀
 長。中納言秀次。左近衛中將秀家。右近衛少將利家。侍
 從元親。侍從義統以下。以次而進。盟曰。奉戴皇恩。竭力
 王事。莫敢或怠。皇家之邑。莫敢或侵。侵者相共誚責之。
 戒囑子孫。莫敢或渝。開白所令事。無大小。莫敢或不奉。
 所違斯盟者。六十六州神祇。大罰殛之。覆其家國。莫能
 享其祿。明日。宴諸牧伯。天皇賜歌。開白以下皆廣之。車
 駕駐五日。還宮。秀吉以京師戶稅奉供御。以其戶租為
 上皇湯沐邑。以近江高嶋郡充廷臣采田。凡金帛珍貴

吉川藏人頭侍從

大張若燕

十七年

復分金銀

佐竹常陸介

里見左馬頭

結城左衛門佐

那須太郎

岩城修理大夫

葦名日向守

松前民部大輔

北條左京大夫

伊達右京大夫

諭氏政

席猶因也。言若人

之坐於席也

相摸守氏直

之獻前後無算。九月諭毛利氏。割其出雲伯耆予族。吉
 川廣家。廣家元春子。元長弟也。十月大張若燕于北野。
 十七年五月復分金銀各三十六萬五千兩于文武百
 官。是時秀吉威令幾遍天下。東北豪傑佐竹里見結城
 那須岩城葦名松前諸族爭修使幣。秀吉禁其私鬪。使
 之朝覲。而獨北條氏政據關東八州。伊達政宗據陸奥
 出羽。不肯降。天子幸聚樂之次月。秀吉遣富田知信津
 田信季赴相摸。諭氏政曰。吾子席五世之勢。擅有八州。
 而不修朝貢。不義。今天子新立天下。莫不嚮歸。吾子宜
 速入覲。氏政與子氏直議。不敢堅對。八月氏政使使來
 請曰。真田昌幸取我沼田。請令昌幸還。然後人朝。諸

小田原之役

將皆忿曰。氏政亡狀。請發兵討之。秀吉固未也。是年七月。復使知信信李就昌幸諭之。昌幸奉命致沼田于北條氏。於是二使遂往小田原。趣其入朝。曰。不朝則有罰。氏政與其親族將領議曰。我與彼相距遼遠。彼何輒來。且彼特能服畿內西國耳。古稱關八州可敵天下。且箱根天險也。彼果來乎。我以八州勁兵。要諸箱根。彼何能為。在昔平氏發大軍來攻源氏。至富士川。聞鵝鴨起。遂懼。悻而潰。關白亦如此。爾乃不禮使者。使者微聞其言。歸報秀吉。秀吉怒曰。氏政以吾比平維盛邪。吾將示之。我技倆也。德川公數勸氏政入朝。不肯。是歲伊達政宗滅鞞名氏。并會津四郡。滅二階堂氏。并仙道七郡。佐竹

以吾比維盛

二階堂遠江守

責政宗

岩城諸族討之。皆敗。秀吉使使責讓政宗。命其入朝。政宗亦不肯。十月真田昌幸來告曰。沼田有那胡桃城。為臣墳墓之地。北條氏將守沼田者。欲遂取之。臣曰。殿下命致沼田。未聞致那胡桃也。彼不聽。遂攻取之。敢告秀吉。大怒。遂奏請討氏政。氏政使者石卷康昌在京師。懼陳謝之。秀吉不聽。押送康昌。相摸遺書。氏政絕之。曰。秀吉起微賤。為先右府所拔。擢攻城野戰立功。弓馬之間。既而遇變。故提兵東上。誅夷逆臣。以答右府恩眷。遂忝太政之任。佐天子以定亂逆。叛者伐服者撫。七道豪傑無不從。我所麾。汝氏政負險恃力。敢不修朝貢。狡詐貪婪。輕蔑天子之命。夫天地之際。一有違。誅勅者而漏於

遺書氏政
絕絕好也

石卷右馬允

歷磨也兵兵書也

揀王節持天子所賜節刀也

海龍王

氏直謝罪

誅討秀吉耻之。修乃城池厲乃甲兵。明諒吾將揀王節。率諸軍以正汝氏政之罪。書至相摸氏政。不以為意。曰：彼欲以虛聲脅我。彼誠來大舉，則少食；小舉，則少力。是易與耳。秀吉遂令駿河越後以西四十五國發兵。以明年三月會京師。其遠京師者，便道直赴關東。命長束正家運粟二十萬石至駿河。又出金一萬枚，糴於海道諸國。時海路久絕，民皆憚風濤之險，曰：海龍王為祟。秀吉笑曰：吾受王命討不庭，何物龍王敢得沮我也！作檄授之。投海而進，使水軍三將與長曾我部元親獲糧船。以東十二月，德川公來請約束。氏直因公謝罪，請入朝。秀吉弗許。於是會德川公以下將帥開關東地圖，指畫部

一言多於百萬封多勝也十八年氏直娶德川氏供張供具張設也

入朝受節刀

署真田昌幸素與德川公惡。時在下坐，不得窺圖。秀吉呼前之，曰：吾以家康為海道先鋒，以汝為山道先鋒。昌幸感喜，退而謂人曰：得殿下一言，多於得百萬封矣。十八年正月，德川公送其嗣子為質。秀吉賜之姓羽柴氏。名秀忠，遣歸之。曰：卿以其興氏直有姻焉乎？吾何疑卿哉！德川公乃空海道諸城，除道供帳以待。二月，秀吉召毛利輝元守京師，弟秀長守大坂，令德川北畠前田上杉諸將以其兵先發。三月朔，自戎服入朝，受節刀于陛。拜辭起出，關上馬率騎卒十七萬而東。部伍整肅，鎧仗鮮明。使士民縱觀之。氏政盡召八州城主，集于小田原。遣親信將帥拒箱根諸城，以兵數萬守其後。二十七日

薄食謂早炊食於寢等也薄薦席也
中判式部少輔
一柳伊豆守
間宮豐前守
渡部勘兵衛
左衛門大夫氏勝

紙壁如壁
聖旨惡白聖飾牆也
約封土相江戸

秀吉至沼津明日自上山候視敵城寨與西令秀次以五萬攻山中信雄以三萬攻韭山而德川公以二萬五千直踰箱根明日諸將薄食並發秀次以中村一氏為先鋒令徙陣近城城上銃丸兩注一柳直未死之一氏厲衆攻破其郭斬敵將間宮好高進薄內城其騎士渡部了攀堞而上秀次乃麾軍齊登走城將北條氏勝信雄亦破韭山郭德川公陷三城至酒匂戍兵皆潰四月秀吉率諸軍抵小田原建牙于石垣山夜令萬卒築城焉糊紙于壁望之如聖城兵驚以為神秀吉攜德川公登城樓下視曰關東八州在我目中不日取以予卿耳德川公拜曰幸甚秀吉附其耳語曰卿亦居小田

逆料也

大導寺駿河守

木村重敏

一月下六十餘城

原乎曰然秀吉曰不何我嘗觀地圖自此逆東可二十里有地曰江戸襟帶山海地潤土肥卿宜居此德川公曰謹奉教於是令諸軍圍城數重水軍將士又破沿海諸城而來會焉上杉景勝前田利家將北陸兵三萬以真田昌幸為先鋒入上野大導寺政繁以松枝降導入武藏下七城攻鉢形秀吉遣淺野彈正少弼木村常陸介助之二將別徇武藏攻岩鷲淺野氏嗣于幸長稱左京大夫甫十五先登遂拔之二將遂徇上野至一總安房一月下六十餘城而小田原固守不下有流言曰德川織田通款城中衆情疑懼秀吉即從近臣數人與信雄俱飲于德川氏營明日與德川公俱登城由氏營

蔡長圍

被之被被樂也

騁騰貴也

家譜轉有餘

狼戾猶狼藉也

相馬彈正少弼

秋田城之介

南部大膳大夫

津輕右京亮

項背相望謂連續

而來也

政宗請降

衆疑即釋遂下諸軍休戰蔡長圍更番激怒道被
樂置酒高會秀吉與德川公以下造歌詞被之謹呼連
晝夜以示據久之意城兵大困德川公初度大衆久屯
穀價必騰私命其吏多蓄糧餉已而長束正家掌漕轉
米粟狼戾乃服秀吉善用人也當是時豐臣氏軍環城
而陣者幾三十萬山陵林麓莫非兵者關以東望風降
附相馬秋田南部津輕諸族或執謁軍門或使使納幣
項背相望伊達政宗使人視形勢還報則大懼乃肯修
使幣就德川氏乞降德川公戒使者曰不可不亟來謁
六月政宗與百餘騎入下野路塞不得通還由越後信
濃間行至箱根請謁秀吉秀吉問謁者曰政宗狀貌如

詰責政宗

屈強極矣貌

一介之使獨使也

介古何及介與介

一本松右京亮

叛將大内重綱

二本松義經

父輝宗

便服謂平服也凡
言便坐便服者所
以就便安也

點注標記

何曰齡可二十歲而被髮奇偉甚秀吉不許輒見使
人詰責之曰吾受王命經略天下雖據方絕域之人莫
不來歸汝屈強東北擁兵數萬未嘗發一介之使葦名
義廣歸心王室而汝擅攻之是何故政宗答曰義廣納
臣之叛將結佐竹若城以圖滅臣臣欲討二本松氏以
復父仇又為義廣所拒故臣日夜攻擊終得克之臣在
敵中不知四方事及殿下東伐然後知天下有所歸也
是以來謁秀吉又使言之曰汝之所陳果無偽也則盡
獻所侵會津仙道之地耳不則亟歸汝國徐修守備吾
討滅北條氏然後見汝於戎馬之間也政宗曰臣生死
唯殿下之分汝邑上乎致其侵地乃入

陸奥軍

坐慰勞之。河曰：卿在陸奥幾戰。曰：三十餘戰。河曰：道使村巷小鬪耳。意未知部勒大兵之法也。因起引政宗而出。下跡廣盛。秀吉在前。指示曰：彼畿內軍也。彼坂以西軍也。彼海道軍也。政宗唯唯。莫敢仰視。既罷。遣歸諸將。交勸留之。不遣。曰：遣之。是猶縱虎於野。已。秀吉哂曰：吾不用寸兵而取五十四郡。非汝輩所知也。政宗退。謂人曰：關白天威也。遂去之。國石田三成。大谷吉隆。長束正家等於是。攻降館林。遂攻忍城。城將成田長康在小田原。其兵留守不下。秀吉令彈正少弼父子助攻。終下之。景勝利家亦降。鉢形以下諸城并降。附五萬人來謁。秀吉不甚賞。二人頗嫌之。秀吉謂近臣曰：二人非無功。然

成田下總守

兼與衛同。猶恨也。

山中山城守

降。輒受之。不足稱勳勞。或降。或屠。恩威並行。然後可賞耳。二人聞之。復發屠。王子城還。効首級。秀吉乃賞之。於是八州諸城大半皆破。而其將士在小田原城內。我兵虜其父母妻子。視之。將士逃降。相踵。我侍史山中某與成田長康善。亦言命陸以書招之。長康乃送款。秀吉使德川公以其降書遺氏。直曰：子之將帥皆有貳心事。已危迫。子盍早自為計。氏直與氏政議。召長康不至。乃環柵長康營。置兵監護。自是城內人人相疑。秀吉遣黑田孝高羽柴勝雅入城。見氏政父子。說以禍福。氏政不肯。七月。氏直遂出。就德川氏營乞降。德川氏避嫌不敢通。使之歸。勝雅以告。秀吉許之。使氏直收城。服而

下總守勝雅。初稱

瀧川三郎兵衛雄

利

也。避嫌避姻戚之嫌

德川氏

日本外史

卷之十五

五

誅氏政釋其餘

美濃守氏規

舉八國賜德川氏

万国有駿遠
勢江之間行
路按田之為
以九万石有
江交朝宿
今縣云湯
沐如何

放信雄

加藤遠江守

田中兵部心輔

因謂諸將曰。此行欲誅不庭之臣。今復道。天下也。事欲誅氏政而釋其餘。諸將曰。善。乃遣使者四輩。就氏政舍賜死。秀吉覽其首。罵曰。汝輕蔑王命。敢笑侮我。今如何也。使石田三成齎之京師。梟于一條戻橋。氏規聞小田原既下。亦以葦山降。乃縱氏直氏規等三十人于高野。給俸百口。尋給萬石。乃舉北條氏故地八國。以賜德川氏。別以十萬石為其湯沐。邑舉德川氏故地五國。以賜信雄。信雄不肯受。秀吉怒曰。卿才不可為民上。吾特以先右府之子也。欲厚封之。卿乃薄之乎。乃放之。秋田賜駿河。于中村一氏。甲斐于加藤光泰。尾張及北伊勢五郡。于秀次。參河于池田輝政。田中吉政遠

山内對馬守初右

猪右衛門

有馬玄蕃頭

森美作守

誅政繁

櫻田在武藏

鎮東北莫如氏鄉

木村伊勢守

江于堀尾吉晴。山内豐有馬。豐氏信濃。于森忠政。石川數正。仙石秀久。論關東諸豪功罪。黜陟之。執大導寺政繁。謂之曰。汝以北條氏舊將。而首降於我。我之功臣。乃北條氏之叛臣。叛臣天下罪人。吾不能私釋焉。乃誅之于櫻田。遂引兵東下。至守都宮。伊達政宗南部信直等皆迎謁焉。八月至白河。命淺野彈正少弼大谷吉隆石田三成。檢陸奥出羽地。問諸謀臣曰。吾欲擇一將鎮撫東北。卿等皆陳所見。衆所對各異。秀吉曰。皆非也。非蒲生氏鄉無可者。賜氏鄉以會津仙道十一郡。以葛西大崎。賜木村秀俊。政宗因故土。賜米澤長井。謂氏鄉曰。為我守東門。遂指授方略。戒德川前田。長服而

栗棲俗稱未詳
圍掌馬者

中村召父老

政宗缺望

少弼淺野長政也

接終整諸軍。訖故至岡崎。吉川廣家受命。其明日以鞍馬三百餘匹送秀吉。秀吉擇黑馬騎為屏。其徒御獨吉川氏卒栗棲武格者為之。圍行入尾張。秀吉指路傍聚落謂武格曰。此名中邑。吾所生長也。吾欲一往觀汝能從我乎。武格曰。謹諾。於是秀吉騎入中邑。留武格于閭首而入周馳街巷。出遂召邑中父老笑曰。吾膝吉也。父老皆惶恐。將休。秀吉曰。此吾少時邑閭甚整。戶口亦似滋息也。因賜之酒及物。與語舊故而去。九月復命於京師。於是東國盡定。而伊達政宗心懷缺望。陰誘土兵作亂。少弼破度陸奧必亂。造十餘砦留兵守之。而西大谷吉隆猶留檢田甚急。十月土兵四起。葛西

十九年
氏鄉上狀

大崎亦苦秀俊之政。叛攻其城。秀俊走保。佐沼告急於氏鄉。氏鄉即發會。雪推行至井。繩察政宗有異心。遣人促使會師。政宗不得已出。次吉岡。氏鄉身往其陣。面議事。政宗大驚。氏鄉破賊二壘。乘勝而進。政宗稱疾不從。氏鄉行布陣以備之。進破名生壘。政宗追躡視其陣。堅不敢擊。氏鄉乃迎秀俊。置之名生。政宗數謝。無他。氏鄉使立功自効。乃攻下宮崎城。賊黨悉潰。少弼時至駿河。聞亂即還。十二月氏鄉欲歸。而慮政宗有變。少弼乃令政宗納質。十九年正月。氏鄉取其質。還會津。秀吉得警報。遣秀次赴討。使石田三成促德川公會師。聞氏鄉已定亂。則皆逃。還閏月。氏鄉來京師。上狀。秀吉服而

貼金磔柱

九戶修理亮

德川公掌三道軍務

以安及側子之心也

封予之。氏鄉八鄉又獻政宗通賊手書。政宗政宗即發。二月至。曰。吾自分誅戮也。作貼金磔柱。使人揭前行。及詰問。陳謝甚辯。乃示其手書。政宗佯愕。曰。其書甚肖。特華押有微異者。驗之。果然。秀吉即釋之。先是南部氏族九戶政實叛。氏鄉與少弼攻而下之。是歲五月。復叛。據福岡城。葛西莊內應之。秀吉命秀次赴討。曰。必勦之。使莫復萌。命德川公助之。曰。命卿掌東北三道軍務。其便宜從事。乃奏以政宗為四位侍從。與氏鄉俱為先鋒。令少弼及堀尾吉晴監其軍。因密諭氏鄉曰。吾知政宗反計矣。願彼膽略可愛。故釋不問。以安及側事。平則奪其地。予之汝耳。八月。秀次入陸奧陣。三迫

氏鄉食百萬石
按據止兵而拒守也
其封大和也

償讓金

氏鄉政宗攻下五城。上杉氏奉命會師。擊平莊內。諸將遂圍福岡。誘降政實。以下魁首三十人。効之三迫。秀次斬以徇。焚殺其餘黨。以秀吉命。徙政宗于葛西大崎。以其地加賜。氏鄉并食百萬石。遂巡視國內。按據士民課。東邊諸侯築城大崎。以置政宗。然後歸。是歲四月。大納言秀長卒。以秀次弟秀俊為嗣。襲其封。十一月。秀吉大獵于參河。初。秀吉定關西。召松下之綱。賜邑于丹後。及定關東。更賜遠江伊勢之一萬石。曰。償讓金也。

黒注標記

日本外史

卷之十五

世六

--	--	--	--	--	--	--	--	--	--	--	--	--	--	--	--	--	--

安房縣津田氏

藏書

